

章邱縣志卷之九

知章邱縣事嚴陵張萬壽纂修

人物

禹稷顏子不同道而孔子皆以為賢伯夷柳下惠不同道而孟子皆以為聖士君子出處隱見安能一致哉章邱代產哲人或嘉言懿行師範來茲或志性血誠爭光日月或邱園孤往逍遙空谷之音或眉壽老成俯仰天倫之樂蓋造化扶輿之所鍾而足以輝映山川者也瓜瓞之裔桑梓之賢豈不動抗心希古之慕乎至於二氏

章邱縣志

卷之九 人物

遐踪伎藝可資世用者亦足多也其奸慝過甚者俱附於卷尾以為取法垂鑒之資云作人物

志

鄉賢

上古

赫胥氏

天皇伏羲氏臣與栗陸氏昆連氏葛天氏陰康氏分居五方佐伏羲氏治天下

周

鄒衍

鄒衍之鄒史記作騶其傳曰齊有三騶子其前騶忌以鼓琴干威王因及國政封成

侯受相印其次即衍衍睹有國者淫侈不能尚德乃深觀陰陽消息而作怪迂之辨終始大聖之篇十餘萬言其語闕大不經必先駭小物推而大之至於無垠先序今以上至黃



帝學者所共術大並世盛衰因哉其微辭受  
制推而遠之至天地未生幻冥不可考而原  
也先列中國名山山川通谷禽獸水土所殖物  
類所珍因而推之及海外人之所不能睹稱  
引天地剖判以來五德轉移治各有宜而符  
應若茲以為儒者所謂中國者於天下乃八  
十一分其一分耳中國名曰赤縣神州赤  
縣神州內自有九州禹之序九州是也  
為州數中國外如赤縣神州者九乃所謂九  
州也於是禪海環之人民禽獸莫能相通  
如一區中者乃謂一州如此者九乃有大瀛  
海環其外天地之際焉其術皆此類然要其  
歸必止乎仁義節儉君臣上下六親之施始  
焉濫耳王公大人初見其術懼然顧化其後  
不能行之是以騶子重於齊適梁惠王郊迎  
執賓主之禮適趙平原君側行徹席如燕昭  
王擁彗先驅請列弟子之座而受業築碣石  
宮身親往師之作王運其遊諸侯見尊禮如  
此

壹邱縣志

卷之六八 人物

漢

劉敬

原姓婁高祖賜姓劉史記本傳曰劉敬者  
齊人漢五年戊隴西過洛陽高帝在焉婁  
敬脫輓輅衣共羊裘見齊人虞將軍曰臣願  
見上言便事虞將軍欲與之鮮衣婁敬曰臣  
衣帛衣帛見衣褐衣褐見終不敢易衣於是  
虞將軍入言上上召入見賜食已而問婁敬  
婁敬說曰陛下都洛陽豈欲與周室比隆哉  
夫陛下取天下與周室異周之先自后稷堯  
封之邵積德累善十有餘世公劉避桀居幽  
太王以狄伐故去幽杖馬箠居岐國入爭隨  
之及文王為西伯斷虞芮之訟始受命呂望  
伯夷自海濱來歸之武王伐紂不期而會孟  
之上八百諸侯皆曰紂可伐遂滅殷成王即  
位周公之屬傅相迺營成周洛邑以此為天  
下之中諸侯四方納貢職道里均有德易以  
王無德亦易以亡凡居此者欲令周務以德  
致人不欲依險阻令後世驕奢以虐民也及  
周之盛時天下和洽四夷鄉風慕義懷德附



離而並事天子不屯一卒不戰一士入方之民莫不賓服效其貢職及周之衰分而為二天下莫朝周不能制非其德薄也而形勢也今陛下起豐擊沛收率三千人以之徑往而卷蜀漢定三秦與項羽或崇陽爭成臯之口大戰七十小戰四十使天下之民肝腦塗地父子暴骨中野不可勝數哭泣之時臣竊以為不侔也且夫秦地被山帶河四塞以為固卒然有急百萬之眾可具也因秦之故資甚美膏腴之地此所謂天府者也陛下入關而都之山東雖亂秦之故地可全而有也夫與人鬪不搯其腕拊其背未能全勝也今陛下入關而都案秦之故地此亦搯天下之腕而拊其背也高帝問羣臣羣臣皆曰山東人爭言周王數百年秦二世即亡不如都周上疑未能決及留侯明言入關便即日車駕西都關中於是上曰本言都秦地者婁敬叟者乃劉也賜姓劉氏拜為郎中號為奉春君漢七年韓王信反高帝自往擊之至晉陽聞信與匈奴欲共擊漢上大怒使人視匈奴匈奴匿其壯士肥牛馬但見老弱及羸畜使者十輩來皆言匈奴可擊上使劉敬復往視匈奴還報曰兩國相擊此宜夸矜見所長今臣往徒見羸瘠老弱此必欲見短伏竒兵以爭利愚以為匈奴不可擊也是時漢兵已踰句注二十餘萬兵已業行上怒罵劉敬曰齊虜以口舌得官今乃妄言沮吾軍械繫敬廣武遂往至平城匈奴果出竒兵圍高帝白登七日然後得解高帝至廣武赦敬曰吾不用公言以困平城吾皆已斬前使十輩言可擊者矣迺封敬二千戶為關內侯號為建信侯高帝罷平城歸韓王信亡於胡當是時冒頓為單于兵疆控弦三十萬數苦北邊上患之問劉敬劉敬對曰天下初定士卒罷於兵未可以武服也冒頓殺父代立妻羣母以力為威未可以仁義說也獨可以計久遠子孫為臣耳然恐陛下不能為上曰誠可何為不能願為奈何劉敬對曰陛下誠能以適長公主妻之厚待遺之彼知漢適女送厚蠻夷必慕以為關氏



生子必為太子代單于何者貪漢重幣陛下以歲時漢所餘波所鮮數問遣因使辨士風諭以禮節冒頓在固為子婿死則外孫為單于豈嘗聞外孫敢與大父抗禮者哉兵可無戰以漸臣也若陛下不能遣長公主而令宗室及後宮詐稱公主彼亦知不肯貴近無益也高帝曰善欲遣長公主呂后日夜泣曰妾惟太子一女奈何棄之匈奴上竟不能遣長公主而取家人子名為長公主妻單于使劉敬往和親約劉敬從匈奴來因言匈奴河南白羊樓煩王去長安近者七百里輕騎一旦夜可以至秦中秦中新破少民地肥饒可益實夫諸侯初起時非齊諸田楚昭屈景莫能與今陛下雖都關中實少人北近胡寇東有六國之族宗疆一日有變陛下亦未得高枕而卧也臣願陛下徙齊諸田楚昭屈景燕趙韓魏後及豪傑名家家居關中無事可以脩胡諸侯有變亦足率以東伐此疆本弱末之術也上曰善迺使劉敬徙所言關中十餘萬口

章邱縣志

卷之七

人物

四

牟萇

字弘特辟少習歐陽尚書不仕王莽時大司空弘特辟拜博士選河南太守坐墾田不實免長在河南生徒常至千人所著尚書章句皆本之歐陽氏俗號為牟氏章句復徵為中散大夫許隱居教授門生千餘人

肅宗聞而徵之欲以為博士道物故

周璆

志行高潔前後郡守招命莫肯至惟太守懸之固徐孺子輩中人也

隋

房彥謙

字孝冲早孤長兄彥雅雅有清鑒以彥謙天性穎悟每奇之親教讀書年七歲

誦數萬言為宗黨所異十五出繼叔父子貞事所繼母有踰本生事伯父樂陵太守豹竭盡心力每四時珍果口弗先嘗遇期功之戚必蔬食終禮宗從取則焉其後受學於博士尹琳遂通涉五經解屬文工草隸風采高主人年十八屬廣寧王孝珩為齊州刺史辟為主







房玄齡

字喬彥謙子玄齡幼警敏貫綜墳籍善屬文兼工草隸開皇中天下混一皆謂

隋祚方永玄齡密白父曰上無功德徒以周近親妄誅殺攘神器有之不為子孫立長久計淆置嫡庶競侈僭相傾閱終當內相誅夷視今雖平其亡趾可須也彥謙驚曰無妄言年十八舉進士授羽騎校尉讐秘書省吏部侍郎高孝基名知人謂裴矩曰僕觀人多矣未有如此郎者當為國器但恨不見其聳壑昂霄云補隰城尉漢王諒反坐累徙上郡顧中原方亂慨然有憂天下志會父疾綿十旬不解衣及喪勺飲不入口五日太宗以燉煌公狗渭北杖策上謁軍門一見如舊署渭北道行軍記室叅軍既為秦王即授府記室封臨淄侯征伐未嘗不從眾爭取怪珍玄齡獨收人物致幕府與諸將密相申結人人願盡死力王嘗曰漢光武得鄧禹門人益親今我有玄齡猶禹也居府出入十年軍符府檄或

章邯縣志

卷之九

人物

六

駐馬即辦文約理盡初不著橐高祖曰若人機識是宜委任每為吾兒陳事千里外猶對面語隱太子與王有隙王召玄齡與計對曰國難世有惟聖人克之大王功蓋天下非特人謀神且相之乃引杜如晦協判大計累進陝東道大行臺考功郎中文學館學士故太子思之奇譜於帝皆斥逐還第太子將有變王召二人以方士服入夜計事事平王為皇太子擢右庶子太子即位為中書令第功班賞功居第一進爵邢國公淮安王神通曰義師起臣兵最先至今玄齡等以刀筆吏居第一臣所未喻帝曰叔父兵誠先至然未嘗躬行陣勞故建德之難軍敗不振討黑闥反動望風輒奔今玄齡等有決勝帷幄定社稷功此蕭何所以先諸將也初將軍邱師利等皆扈跂攘袂或指畫自陳說見神通屈乃曰陛下至不私其親吾屬可妄訴邪進尚書左僕射監修國史更封魏帝嘗問創業守文孰難玄齡曰方時草昧羣雄競逐攻破乃降戰勝乃剋創業則難魏徵曰王者之興必乘衰



亂覆昏暴殆天授人與者既得天下則安於  
 驕逸人欲靜徭役毒之世方傲哀刻窮之國  
 由此衰則守文為難帝曰玄齡從我定天下  
 胃百死遇一守文為難帝曰玄齡從我定天下  
 畏富貴則驕驕則怠怠則亡見守文之不安  
 易然創業之不易既往矣守文之難方與公  
 等慎之改封梁國公世襲未幾加太子少師  
 居宰相積十五年女為王妃男尚主自以權  
 寵隆極累表辭位詔不聽頃之進司空仍總  
 朝政立齡固辭帝遣使謂曰讓誠美德顧公  
 筋力未衰母多讓晉王為皇太子改太子太  
 傅知門下省事會伐遼畱守京師數上書勸  
 帝願母輕敵久事外夷晚節多病時帝幸玉  
 華宮詔玄齡居守聽卧治事稍棘召許肩輿  
 入殿帝視流涕玄齡亦感咽不自勝命尚醫  
 臨候尚食供膳日奏起居狀玄齡顧諸子曰  
 今天下事無不得惟討高麗未止上含怒意  
 決羣臣莫敢諫吾而不言抱愧沒地矣遂上  
 疏極諫帝得疏謂高陽公主曰是已危際尚  
 能憂吾國事乎疾甚帝命鑿苑垣以便候問

親握手與決薨贈太尉并州都督謚文昭  
 陪葬昭陵高宗詔配享太宗廟廷

員半千 字榮期其先本姓劉十世祖凝之以忠  
 烈自比伍員因姓員半千始名餘慶

州通書史客晉州州舉童子房玄齡異之對  
 詔高第已能講易老子長與何彥先同事王  
 義方義方賞其邁秀曰五百歲一賢者生子  
 宜當之因改今名凡舉八科皆中咸亨中上  
 書自陳臣家貲不滿千錢有田三十畝粟五  
 十石開陛下封神岳舉豪英故鬻錢走京師  
 朝廷九品無葭葶親行年三十懷志潔操未  
 蒙一官不能陳力歸報天子陛下何惜玉坐  
 方寸地不使臣披露肝膽乎得天下英才五  
 千與樞所長有一居先臣當伏死都市書奏  
 不報調武陟尉歲旱勸令殷子良發粟賑民  
 不從及子良謁州半千悉發之下賴以濟刺  
 史大怒囚半千於獄會薛元超持節度河讓  
 太守曰君有民不能恤使惠出一尉尚可罪  
 耶釋之俄舉岳牧高宗御武成殿問兵家有  
 三陣何謂耶眾未對半千進曰臣聞古者星宿



宋

孤虛天陣也山川向背地陣也偏五彌縫人陣也臣謂不然夫師以義出沛若時雨得天之時為天陣足食約費且耕且戰得地之利為地陣舉三軍士如子弟從父兄得人之和為人陣舍是則何以戰帝曰善既對策擢高第歷華原武功尉厭卑劇求為左衛曹參軍使吐蕃將行武后曰久聞爾名謂為古人乃在朝邪境外事不足行宜留待制即詔入閣供奉遷司賓寺主簿稍與邱悅王勳石抱忠同為弘文館直學士又與路敬淳分日待制顯福門下累擢正諫大夫兼右控鶴內供奉半千以控鶴在古無有而授任者皆浮俠少年非朝廷德選請罷之忤旨下遷水部郎中會詔擇牧守除棣州刺史復入弘文館為學士武三思用事以賢見忌出豪勒二州刺史半千不顯任吏常以文雅粉澤故所至禮化大行睿宗初詔為太子右諭德仍學士職累封平原郡公表丐骸骨有詔聽朝朔望半千事五君有清白節年老不衰樂山水自放開元九年遊堯山沮水間愛其地遂定居焉

劉庭式

字得之舉進士蘇軾守密州庭式為通判初庭式未第時議娶鄉人之女既約未納幣庭式乃及第女以病喪明女家躬耕

貧甚不敢復言或勸納其幼女庭式笑曰吾心已許之矣豈可負吾初心哉卒娶之生數子後死庭式葬之逾年不肯復娶軾問之曰哀生於愛愛生於色今年君愛何從生哀何從出乎庭式曰吾知喪吾妻而已吾若緣色而生愛緣愛而生哀色衰愛弛吾哀亦忘則凡揚袂倚市目挑而心招者皆可以為妻也耶軾深感其言庭式後監太平觀老於廬山絕粒不食日奕奕有紫光步上下峻坂如飛以

高壽終

李惟清

字直臣下邑人父仲行為章邱第世家焉開寶中以三史釋褐為涪陵尉

現給民醫藥宦官督木不法奏殺之文獻史請減鹽價復酒耗遷給事充鹽鐵使累官刑



部侍郎贈戶部尚書惟清為人倜儻自任有  
鈞距所至稱強幹子永錫光祿丞永德殿中  
丞

呂頤浩

字元直中進士第伐燕之後頤浩以轉

輸隨種師道至白溝既得燕山郭藥師  
衆二萬契丹軍萬餘皆仰給糧官詔以頤浩  
爲燕山府路轉運使頤浩奏開邊疆遠其勢  
難守又奏燕山河北危急五事願博議久長  
之策徽宗怒命褫職貶官尋復進徽猷閣直  
學士金人入燕郭藥師劫頤浩與蔡靖等降  
敵退得歸復以爲河北都轉運使以病辭高  
宗卽位除知揚州車駕南幸除戶部侍郎兼  
知揚州進戶部尚書劇賊張遇衆數萬屯金  
山縱兵焚掠頤浩單騎與韓世忠造其壘說  
降之進吏部尚書建炎二年金人逼揚州駕  
幸錢塘拜同簽書樞密院事江淮安撫制置  
使還屯京口金人去揚州改江東安撫制置  
使兼知江寧府時苗傅劉正彥逼高宗避位  
改元明受詔赦至江寧頤浩曰是必有兵變

查郎縣志

卷之九

人物

九

卽遣人寓書張浚浚亦謂頤浩有威望能斷  
大事書來報起兵狀頤浩乃與浚及諸將約  
會兵討賊俄有旨詔頤浩赴院供職上言請  
亟復明辟以圖恢復遂發舉鞭誓衆士皆感  
厲張浚乘輕舟迂之平江相持而泣頤浩曰  
頤浩曩諫開邊幾死宦臣之手承乏漕輓幾  
陷腥膻之城今事不諧不過赤族爲社稷死  
豈不快乎浚壯其言卽舟中草檄進韓世忠  
爲前軍劉光世爲遊擊頤浩發平江傳黨託  
肯請頤浩單騎入朝頤浩奏將士忠義所激  
可合不可離傅等懼乃請高宗復辟師次秀  
州頤浩勉勵諸將曰今雖反正而賊猶握兵  
居內事若不濟必反以惡名加我翟義徐敬  
業可鑑也次臨平苗傅等拒戰頤浩被甲立  
水次出入行陣傅正彥引兵遁頤浩等以勤  
王兵入城都人夾道聳觀以手加額朱勝非  
罷相以頤浩守尚書右僕射中書侍郎兼御  
營使改同中書門下平章事車駕幸建康聞  
金人復入杜充敗績頤浩遂進航海之策  
浩在位尤顯恣趙鼎論其過頤浩求去除



南軍節度開府儀同三司醴泉觀使尋除江東安撫制置大使兼知池州頤浩請兵五萬屯建康又請王瓌巨師吉兵自隸為李成將馬進所敗乞濟師討李成詔王瓌以萬人速往策應又命張浚為招討使進遁成以餘眾降劉豫詔頤浩兼宣撫領壽春府降廬和州無為軍招降趙延壽于分寧尋以破張琪功拜少保尚書左僕射同中書門下平章事兼知樞密院事乃大議出師而身自督軍北向檜知頤浩不為公論所與多引知名士欲傾之詔除頤浩都督江淮荆浙諸軍事開府鎮江次常州延壽軍叛又聞桑仲死引疾求罷詔還朝頤浩欲傾檜乃引朱勝非為助給事中胡安國論勝非必誤大計坐罷因罷檜相頤浩獨秉政屢請興師復中原時方審量濫賞頤浩時有縱舍二年高宗以水旱地震下詔罪已求言頤浩連章待罪遂罷為鎮前軍節度使開府儀同三司提舉洞霄宮改特進觀文殿大學士五年除湖南安撫制置大使兼知潭州尋除少保浙西安撫制置大使知

臨安府行宮留守明堂禮成進封成國公入年除少傅鎮南定江軍節度使江東安撫制置大使兼知建康府行宮留守頤浩引疾求去除醴泉觀使九年金人歸河南地高宗欲以頤浩往陝西召趣赴闕既至以疾不能見乃聽歸未幾卒贈太師封秦國公諡忠穆頤浩有膽畧善鞍馬弓劍當國步艱難之際人倚之為重自江東再相胡安國勸其法韓忠獻以至公無我為先報復恩讐為戒頤浩不能用

趙鑑字澤善宋建炎二年進士初授廬州司理軍事蝗害稼鑑曰我不識是將取視之一夕蝗死盡累遷河北西路轉運使

金

趙鑑熙宗時為山東東路名轉運副使攝行臺左司郎中行臺宰相欲以故宋宦者監都水鑑曰誤國闕豎汴人視為寇讐付以美官將失人望遂不用尋復為濟州刺史



前明邑令董復亨曰按山東通志名宦人物俱有趙鑑一為山東東路轉運止宦者為都水監一為知寧海軍事致一夕蝗盡死俱是章邱人或一人或二人俱不可考矣

李椿官都察院奉議大夫濟南路濱州知州驍騎尉後封章邱縣子子文蔚官沙縣尹文

宜官寶昌州知州從子  
克良官江西行省文學

元

張養浩

字希孟幼有行義年方十歲讀書不輟按察使焦遂聞其名薦為東平學正游

京師獻書于平章不忽木大奇之辟為禮部令史仍薦入御史臺一日病不忽木親至其家問疾四顧壁立歎曰此真臺掾也及為丞相掾選授堂邑縣尹人言官舍不利竟居之相毀淫祠三千餘所罷舊盜之朔望祭者衆盜感泣相戒毋負張公有李虎者結黨殺舊尹莫敢詰養浩至盡寘諸法民甚便之宗在東宮召為司經未至改文學拜監

章邱縣志

卷之九

人物

二

史初議立尚書省養浩言其不便既立變法亂政將禍天下臺臣不言後幾不免今曰昔桑哥用事臺臣不言後幾不免今既言又不以聞臺將安用時武宗將親郊不豫遣大臣代祀風忽起人多凍死養浩于祀所揚言曰代祀非人故天示之變大違時相意時省臣奏用臺臣養浩歎曰尉專捕盜縱不稱職使盜自選可乎遂疏時政萬餘言言皆切直當國者不能容遂除翰林待制復構以罪罷之戒省臺勿復用養浩恐及禍乃變姓名遁去尚書省罷始召為右司都事遷翰林直學士改秘書少監延祐初設進士科遂以禮部侍郎知貢舉進士詣謁皆不納擢陝西行臺治書侍御史改右司郎中拜禮部尚書英宗即位命參議中書省事會元夕帝欲於內庭張燈為鰲山即上書于左丞相拜住拜住袖其疏入諫其略曰世祖臨御三十餘年每值元夕問閭之間燈火亦禁況闕庭之嚴宮掖之邃尤當謹慎今燈山之構臣以為所翫者小所繫者大所樂者淺所患



章邱縣志

卷之九

人物

三

者... 伏願以崇倫... 肅遠為法... 以喜會... 近為...  
 戒帝大怒... 既覽而喜... 曰非張養浩... 不致言...  
 罷之後... 復以父老... 棄官歸... 養召為... 吏部尚書... 不...  
 拜父喪... 復以吏部... 尚書召... 力辭不... 起泰定... 元...  
 年以太子... 詹事丞... 兼經筵... 說書召... 又辭... 改准...  
 東廉訪使... 進翰林... 學士皆... 不赴... 天歷... 二年... 關...  
 命即散... 其家之... 所有給... 鄉西... 貧臺... 神... 登... 輒... 端...  
 道遇餓... 即賑... 遇死... 即葬... 道經... 華山... 禱雨... 于... 嶽...  
 祠泣拜... 不能... 起一... 兩二... 日及... 到官... 復禱... 于... 社...  
 壇大兩... 如注... 水三... 尺乃... 止秦... 人... 大喜... 時... 斗... 米...  
 值三十... 緡民... 持鈔... 出糶... 稍昏... 即不... 用請... 庫... 換...  
 易則豪... 猾黨... 蔽易... 十與... 五累... 日不... 可... 得... 民... 大...  
 困乃檢... 庫中... 未毀... 昏鈔... 文可... 驗者... 得... 一... 千... 八...  
 十五萬... 五千... 餘緡... 悉以... 印記... 其背... 又刻... 十... 貫...  
 五貫為... 券給... 散貧... 乏命... 米商... 視印... 記出... 糶... 請...  
 庫驗數... 以易... 之於... 是吏... 弊不... 敢行... 又... 率... 富... 民...  
 出粟因... 上章... 請行... 納粟... 補官... 之令... 聞... 民... 間... 有...  
 殺子奉... 母者... 為之... 大勸... 出私... 錢濟... 之到... 官... 四...  
 月止宿... 公署... 夜禱... 晝賑... 終日... 無寧... 刻遂... 得... 疾...

劉鼎

鼎以書論之全即引去

劉敏中

敏中語其父景石曰昔賢足于學而不求知

不起卒關中之人哀之如失父母至順二年  
 贈摠誠宣惠功臣榮祿大夫陝西等處行中  
 書省平章政事柱國追封濱國公諡文  
 忠所著有二事忠告雲莊樂府數卷  
 劉鼎任為郎中李全攻濟南  
 劉敏中鼎之孫景石之子幼卓異不凡年十三  
 豐于功而不自衒此後人所弗逮也父奇之  
 鄉先生杜仁傑愛其文亟稱之敏中嘗與同  
 儕各言其志曰自幼至老相見而無愧色乃  
 吾志也至元十一年由中書掾擢兵部主事  
 拜監察御史權臣桑哥秉政敏中劾其奸不  
 報遂辭職歸鄉既而起為御史臺都事時同  
 官王約以言去敏中杜門不與燕南肅  
 政廉訪副使入為國子司業遷翰林直學士  
 燕國子祭酒大德七年詔遣宣撫使巡行諸  
 道敏中出使遼東山北諸郡守令侍貴倖暴  
 橫者一繩以法錦州水輒發廩賑之除東平  
 路總管擢陝西行臺治書侍御史九年召為集



賢學士商議中書省事上疏陳十事曰整朝  
網省庶政進善良剔奸蠹顯公道杜私門廣  
恩澤實鈔法嚴武備舉封贈成宗崩姦臣希  
中旨譖其邪謀敏中援禮力爭之武宗即位  
召敏中至上京庶政多所更定授集賢學士  
皇太子贊善仍商議中書省事賜金幣有加  
頃之拜河南行省叅知政事俄改治書侍御  
史出為淮西肅政廉訪使轉山東宣尉使遂  
召為翰林學士承旨詔公卿集議弭災之道  
敏中疏列七事帝嘉納焉以疾還鄉里敏中  
平生身不懷幣口不論錢義不苟進進必有  
所匡救援據今古雍容不迫每以時事為憂  
或鬱而弗伸則戚形於色中夜難息至淚濕  
枕席為文辭理備辭明有中菴集二十五卷  
卒贈光祿大夫柱國  
追封齊國公謚文簡  
張起巖字夢臣父範初母邱氏有娠見長蛇數  
從其父學年弱冠已忽不見乃驚而誕起巖幼  
值縣官捕蝗移攝縣事久之聽斷明允其民

章邱縣志

卷之九

人物

三

相率曰若得張教諭為其縣尹吾屬何患焉  
政成遷安邱中延祐乙卯進士首選除同知  
登州事特旨改集賢修撰轉國子博士升國  
子監丞進翰林待制兼國史院編修官丁內  
艱服除選為監察御史中書叅政楊廷玉以  
墨敗臺臣奉勅旨就廟堂逮之下吏丞相倒  
刺沙疾其摧辱同列悉誣臺臣罔上欲寘之  
重辟起巖以新除留臺抗章論曰臺臣按劾  
百官論列朝政職使然也今以奉職獲戾風  
紀解體正直結舌忘良寒心殊非盛世事且  
世皇建臺閣廣言路維持治體陛下即位詔  
肯動法祖宗今臺臣坐譴公論杜塞何謂法  
祖宗耶章三上不報起巖廷爭愈急帝感悟  
事方得釋猶皆坐罷免遷中書右司員外郎  
進左司郎中兼經筵官拜太子右贊善丁外  
艱服除改燕王府司馬拜禮部尙書文宗親  
郊起巖充大使導帝陟降步武有節衣前後  
禱如百官望之如古圖畫中所觀帝甚嘉之  
轉叅議中書省事寧宗崩燕南俄起大獄有  
妄男子變言部使者謀不軌按問皆虛法



司謂唐律告叛者不反坐起巖奮謂同列曰  
 方今嗣君未立人情危疑不亟誅此人以杜  
 奸謀慮妨大計趣有司具獄都人肅然大事  
 尋定中書方列坐銓選起巖薦一士可用丞  
 相不悅起巖郎攝衣而起丞相以為忤已遷  
 翰林侍講學士知制誥兼修國史修三朝實  
 錄加同知經筵事御史臺奏除瀾西廉訪使  
 不允已而擢陝西行臺侍御史將行復留為  
 侍講學士拜江南行臺侍御史召入中臺為  
 侍御史轉燕南廉訪使搏擊豪強不少貸貧  
 民賴以吐氣滹沱河水為真定害起巖移文  
 責之水患遂息陞江南行臺御史中丞拜翰  
 林學士承旨知制誥兼修國史知經筵事俄  
 拜御史中丞論事剴直與上官多不合詔修  
 遼金宋三史復命入翰林為承旨充總裁官  
 積階至榮祿大夫起巖熟於金元典故宗信  
 道學源委尤多究心史官有露才自是者身  
 立言未當起巖據理竄定深厚醇雅理致自  
 足史成年始六十有五遂上疏乞歸後國  
 卒謚曰文穆起巖面如紫瓊美髯方頤而冠

目清揚可觀望而知為雅量君子及其  
 決議意所背鄉屹若泰山不可奪廟堂  
 安南修貢其陪臣致其世子之辭必俟起  
 起居先是至元乙酉三月乙亥太史奏文  
 星明文運將興時世祖行幸上京明日丙子  
 仁宗降生儒州是夜起巖亦生後仁宗踐祚  
 始詔設科取士及廷試起巖遂為第一人起  
 巖博學有文善篆隸有華峰漫藁華峰類藁  
 金陵集各若干卷藏於家

程益字光道至順間進士為國子博士與修宋  
 遼金史遷監察御史劾宰相不報即解官  
 歸復起為廉訪司僉事

張斯立

號繡江初為山東憲掾後擢江南行  
 臺御史遷湖行省郎中入叅大政

張友誼

字元朴號盤泉由奉禮郎累遷吏部員  
 外拜監察御史遷都水使拜浙江行省

叅政遷翰林承旨知制誥兼修國  
 史致仕至正中復起商議中書



魏誼 字義甫號白泉為人通亮有雅名累官遷福建鹽運使至尙書

明

滿福 周一名甫生器宇凝重通經史兼練達時務縣尹李儀伯聞其名舉為亭老時元

末政舛俗橫民多冤枉福周為悉心平之洪武初以人才應召授浙江左布政使聲績藉甚居七年以

目眊解職歸

喬穩 才薦授北平府理問靖難兵過歷下穩獻策稱旨陞北平按察使轉行在刑部左

侍郎後以直諫被譴幾死者三尋乞歸

韓禎 博學有機變洪武中以國子舍授河南道監察御史清介不染力振風紀尋遷江

西布政司左叅政尋調廣東卒於官

謝肅 智吏員有才幹又工詩能文任山西大同府通判陞福建運副歷官所至有聲子

章邱縣志

卷之九

人物

五

孫科 第不之子九儀壬辰進士由知縣累官兵部侍郎雄縣志稱其與學校崇節義裁冗

費懲奸貪六事允治百廢俱新蓋一時才吏云

洪漢 字天章少年即機警善講書成化壬辰進士授工部主事累陞江西叅政平桂林荆

竹永福諸獠獍遷陝西左布政擢都御史廵撫大同日星隕漢奏以為夷狄侵中國之兆亡

州魯果大舉邊帥失利漢上疏自劾并劾失何魯果為中貴人所構回籍閑住時有以白

事人竟為朝堂者有陳堯重賄翻留職洪漢灰大書於朝堂者有陳堯重賄翻留職洪漢

無錢却去官之句臺省交章薦漢才猷素著宜同周經許造雍太起用時忌者仍在竟不

報歸田之日貧不自給嘉靖中入鄉賢

華珩 字鳴朝弘治己未進士初令元城振刷吏弊發奸摘伏如神又能裁節冗費與民休

息元城民至今德之見大明府志陞監察御史有直聲忤逆瑾瑾敗纔不及禍



張茂蘭 國朝大司寇王士禛為之傳曰東谷先生

人也父曰題先生少有志性一介必慎取與

顧嗜飲酒好滑稽通脫爽朗不喜齷齪繩墨

中弘治戊午舉人乙丑進士知鉅鹿縣為政

簡易視民如子以外艱歸服闋起知任邱縣

時流賊劉六齊彥名等起霸州掠及縣境先

生築城誓眾散粟哺饑民兵甲完具樓櫓屹

然賊去之城賴以全時兵荒洵至乃上救荒

四事多見施行官柳為饑民剪伐或以言先

生曰孟氏有言先仁民而後愛物歲饑窮民

無所得食不得已析木作薪採葉充食以緩

須臾之死多厲禁乎又多市書籍以勸學者

兵荒之餘人不廢業羅文肅玘過縣先生慕

其文行北面稱弟子御史以紀功至先生不

出迎被詰責先生仰視曰公此來何為者也

御史怒曰奉命勦賊紀功令獨不聞乎先生

曰賊去此幾何御史曰八百里脫有冒功者何從

紀功為名今相距八百里脫有冒功者何從

知之監殺平民者何從知之不責已去賊之

章邱縣志

卷之九

人物

二

遠而責令奉迎之近誠所未喻御史益怒面

發赤久之曰何物縣令強項若是亟驅車去

亡何御史以事就逮先生迎數十里外廩餼

甚腆時方嚴冬製衣裘以進御史嘆曰令古

人也煖不增衣寒不減葉吾見其人矣先生

兩為令衣布飯脫粟不名一錢不以妻孥自

隨遷戶部主事餉軍遼陽封還羨金於官使

歸監兌臨清權舟九江終始以潔廉自勵貨

賄滿前視若土苴惟恐免焉舉人陳守仁者

贈以詩云萬人道公心清似水我言水不似公

心水流萬折終侵物萬折公心物不侵人以

為實錄空同先生李夢陽時視學江西嘆曰

張君非惟操守清氣味亦清其為名流嗟賞

如此先生之使九江也李文康公時賦詩送

之曰當年相與駐孤城豹虎縱橫近帝京洛

下書生曾獻策閣中令尹解談兵時平上國

仍同醉秋盡西郊復送行黃瘦一童牽一騎

雙流應照使君清人競傳之考滿迂郎中總

理宣府糧儲以疾固辭為給事中論劾調汝

寧府通判甫三月遂棄官歸嘉靖改元給事



重刊縣志

卷之九

人物

七

中李錫疏薦先生清節如陶潛詔起用曾丁  
 內艱既免喪巡撫王中丞堯封繼薦之不至  
 久之起為河東鹽運司同知亦不赴築長白  
 山之陰老焉每天雨農夫樵牧蓑笠耰鋤蒲  
 舍中先生與雜坐談農事竟日無忤色山中  
 人亦忘其嘗為大夫也先生遂於經傳授徒  
 山中經其指授者率有所成就如袁軒冕陳  
 德安輩皆是也先生嗜飲酒在太學友人以  
 公罪下刑部獄聞獄囚日給酒願附各其末  
 或問之答曰獄中誠不佳冀日可得酒耳嘗  
 借史記漢書文選於縣人喬御史岱故斬之  
 李太常開先問其故喬曰非吾靳此書疾此  
 君不近人情招之不來耳先生聞之曰使借  
 吾書東西南北唯喬君命東朝鮮西流沙南  
 交趾北居庸關所不敢辭太常曰居庸何近  
 也笑曰吾畏宣府耳其滑稽類此嘉靖乙未  
 十月初三日病起坐命索陶詩周子通書置  
 袖中而瞑年六十五四子志仁利仁守仁欲  
 仁鄉人稱曰東谷先生論曰子少聞諸鄉前  
 輩正嘉中京師語曰天下清官張茂蘭問其

後裔則式微久矣康熙丁卯冬雪後遊長白  
 李氏嘯園園中有亭曰皆山山中人指示予  
 此東谷先生故居也時山雪清寒竹風蕭瑟  
 想見先生流風餘韻為之慨然聞先生在郎  
 署日冬無絮衣饋遺皆不受東阿劉戶部田  
 解衣遺之乃受曰世惟劉伯耕衣可服耳人  
 以道比陳師道云

王昺字承晦號杏里嘉靖癸未進士初授太常  
 副都御史至南京工部右侍郎致仕歸歷官

守法奉公最勤其職巡按河東積餘銀十餘  
 萬補先年逋負在陝忤織造太監劉清詔獄  
 甫逮至京清死獲釋在雲南撫降溪洞蠻又  
 集書名同倫類訓給之  
 誦讀雲南人至今感之

李冕字端甫天性穎敏清貞簡素登嘉靖丙戌  
 進士初任魏縣值累歲荒歉民多流亡冕  
 閉門涕泣若不勝即發粟賑貸民藉以存  
 活者衆又識拔申考功燧王造士永壽于衆



中後皆稱各士行取御史累官至雲南右布政大率以執法潔已為務在魏在處辭千金在陝辭二千金在大名辭四千金房無侍妾座無雜賓生無厚積歿無厚遺獨好施與親友賴以舉火者凡數百家鄉人感其德立生祠祀之萬歷二十年入鄉賢

張舜臣 少為諸生時負雋聲戊子督學使者試得德平葛與川卷復曰解頭必屬葛然張亦不下第二人也後揭榜果如督學公言乙未登進士歷仕南京戶部尚書舜臣為入機警磊落故所至皆亨途無坎坷以疾歸至鄒縣卒

劉祿 字惟學幼穎異不羣喜讀書嘉靖甲辰進士授行人使朝鮮王饒遺甚厚公悉卻之選戶科給事中因救王尚書呆忤分宜相公廷杖七十謫荔蒲尉未至即罷歸課農訓子外一無所營構一亭曰思居日飲酒賦詩以自娛嘗曰觀觀倫生千鍾祿爭如醉死

章邱縣志 卷之九 人物

一杯酒有阮嗣宗陶元亮之風焉隆慶初臺省交章薦公公固不起詔復原職晉太常寺少卿萬歷二年入祀鄉賢

康迪吉 嘉靖甲辰進士初授戶部能其職出知太原時有兄弟相訟者視其人年已垂

白因慨然曰風俗之偷乃至此汝兄弟垂老不朝夕驩讌乃以刀錐之末起爭端乎為吾修學宮訖定曲直月餘其人相抱而泣相友愛如少年時聞父病委頓即夜披兩騎出城徒步過黃泥坂聞訃音墮馬移時若不欲生從者掩淚不能仰視起復守保定率於官迪吉嘗奉差過家所親疑其篋中有奇物迪吉托言恐浥濕盡篋中發之惟圖書數十卷其清白不染如此

劉玘 永樂癸卯經魁任順德府教授正身作人舉人任浙江會稽縣知縣平

易近民稱為佛地中人



楊盈

正德丁卯舉人初授隴西諭聘山西典試

可御史韙之後陞潞城令催逋均賦弭盜燭

奸人呼為神君嘗勘壺關郭氏獄郭氏遣人

懷數百金入境即懷去又得罪潞州同知莊

敬因縛莊於太原市杖殺之後又得罪於僉

憲王公擬盈謫戍兩院下之藩叅王公崇慶

王公一見釋之甫出獄即奔喪歸歸而竟為

前僉憲所中以不謹罷家業漸蕭索以子選

封監察御史潞城人為立

生祠祀之有去思碑記

楊選 嘉靖甲辰進士初授行人嘗使雲南却黔

恒陽書院轉副使備兵易州去而易州人為

立祠祀之轉都御史巡撫大同解右衛之圍

蒙欽賞金幣亡何丁母艱以才望奪情起復

魯人自是不敢犯大同界轉兵部右侍郎總

督薊遼屢捷又陣獲通罕為賈復蒙欽賞金

幣癸亥墻子嶺中魯責在叅將兵察與巡撫

章邱縣志

卷之八

人物

元

而本兵有黃向書者與選素有隙指

李淳

正德庚午舉人年十五即補博士籍嘗道

十始舉於鄉辛未會試前二場已中額以五

策塗抹未膽入竟下第丁丑甲乙榜不就歸

而病卒淳天性孝友又善解說經義遊大學

時曾以聖節夜半趨朝遇高麗使臣扣問書

史疑事淳應酬如響使臣為之屈服

張應祿

正德癸酉舉人少負才名為諸先輩祭酒

呂應期

正德己卯舉人任常州通判陞知州又

張應吉

嘉靖壬午舉人任河南湯陰縣知縣會

之

開封府同知思詔進階朝列大夫居官清苦

不受餽遺歸田二十年不減寒素入湯陰名



祠宦

王儀鳳

嘉靖乙酉舉人任真定府通判管例馬龍泉兩關一切以常例餽送者即斥出

之後陞定州知州有能名陞順慶府同知適西番不靖委督軍糧儀鳳即賞銀幣又嘗釋令自分卒以糧多克敵蒙欽賞銀幣又嘗釋冤獄十六七人居亡何陞思州府知府首罷支應銀弛官塘之禁後遂襲以為常土官多用珍異相餽儀鳳力却之而擊強摧暴不少假借士民相戒曰寧逢霹靂不敢犯二千石其為遠人所畏服如此丁母憂歸不起邑人號曰真實平易君子云

劉東

對之子幼負神童之譽嘉靖乙酉舉人任司務陞南京戶部郎中博學嗜古為世所稱

張大儒

嘉靖庚子舉人陞臨洮府推官雅志高尚絕跡公門蓋古狷介之士也

章邱縣志

卷之九 人物

三

龔勗

彪之子字懋卿少貧牧羊豕山中暇即誦詩書一日邑功曹挾隙隙白主計吏稱

通租管勗勗發憤自經吏暨百家下至理小說是時邑中如袁西野李中麓皆以詞名生是時邑中如袁西野李中麓皆以詞名最心謝去謂傷雅道獨與歷下殷正甫許殿卿李于麟為古文詞相倡酬于麟即號意不可一世獨與勗稱莫逆交願數奇年六十始以歲舉徵初訓江都繼諭威縣皆力振師道居亡何陞開平衛教授即歸歸五年病卒勗所著有懋卿集訓子質疑感興百韻歌太極圖解性命辯諸書咸片片自肺腑中流出不拾他人餘唾劉白川稱為朱元

夏時

使舊志稱其厚德長者

劉淪

之弟天順間歲貢官至新樂縣知縣

貢任鈞州學正善陶鑄士多有成就



王毅 正統間歲貢任福建都司經歷

逯聰 成化間歲貢任直隸清

劉福 成化間歲貢任直隸清

劉相 弘治間歲貢任衡水縣訓導

孫進 嘉靖間歲貢任嘉興府照磨平生無一

張箎 嘉靖間歲貢任新蔡縣訓導

劉璠 嘉靖十三年選貢少年苦學治毛詩兼通

大奇之屢試不第卒抱鬱而死璠為人所輕財

好文若干卷

張應宿 嘉靖間歲貢任常熟縣主簿居家孝友取重鄉評

章邱縣志

卷之九 人物

三

靳永相 隆慶間歲貢初任內邱訓導繼遷臨漳

動履安詳講論可以服人學識足以待問蓋

實錄也有喜雪詩三十韻見藝文內

胡來貢 字忠夏嘉靖間歲貢幼穎異能文善詩

掃葉掬雪自給入明湖書院與邱少宰劉遲

兩司馬相頽頽貢授宣城簿常俸外織不染

指左遷太州吏目上治河入事叵何憂歸四

壁蕭然顧獨喜振人之急性忼慨好面折人

過然無他賜歿後劉公為誌銘邱公為哀詞

各極其悽惋不忍讀所著鄉政直指南游記

行與待焚諸藁藏於家

弭子立 隆慶間歲貢任清縣教諭

張如阜 字鹿萍萬歷甲午舉人任濮州學正公

狀貌非常人負有大志春官十餘上弗

售始鬱鬱就職至濃舊廣文多受民詞公立

罷之大祭日盡以祭胙頒諸生曰不敢留神



惠也同事皆不悅公為人端嚴廉毅門館肅

肅且善詩工書法後以疾卒於官

胡東漸字向若萬歷乙未進士初莞銀庫一絲

請托不行剛正不阿後陞操江僉都御史時

逆璫魏忠賢兇熾甚索寄庫銀四十萬兩

公竟不與遂免派徵江國獲安機房胡太監

請廢營為瑞建祠公立拒後祠成公不拜瑞

遂矯旨勒令致仕公怡然就道難

進易退時論高之崇禎中入鄉賢

焦馨字寧考號蘅芷萬歷辛丑進士為人誠篤

端方除中書舍人兩奉使命餽遺一無所

受任駕部旗尉力士覈其虛冒一切郵符不

便假借遷河南按察使備兵大名豪強懾伏

值入道并缺兼縮數印措理裕如轉布政脩

兵磁州統毛武勇三營申嚴軍紀躬自較閱

月餉悉手自封散士伍咸樂為用支放宗祿

錙銖不染擢山西布政山右歲賦皆供三鎮

軍餉不入司帑繇司解京者止新加地畝一

項公不啟原封第署一公移令原解官吏自

章邱縣志 卷之 人物 三

輸納太倉督餉科道合疏公薦奉 旨紀錄

頒行為天下式授都察院右副都御史巡撫

寧夏抵鎮會秋防凱旋公親具羊酒勞三軍

得首功者以絳繒裹大鏹繫壯士頸下以示

鼓勸又築城於要害興屯於荒徼立商學清

市本以示永久時逆璫煽虐生祠幾遍天下

寧鎮將吏頻言公應曰倘有禍我獨當卒不

建祠後南省撫拾公公即解組歸構別業蔣

花植卉與二三故舊談桑麻量晴雨課子孫

誦讀而已辛未戌寅有兵警倡義捐資用脩

守禦眾賴以安卒賜祭塋贈工部左

焦日培 號心植馨子也天性孝友秉德清剛博

隨父任數千里依依子舍靡間朝夕父叙西

夏績廕成均期滿應赴部授職不忍違親膝

下遂不仕父歿伏闕請卹獲賜祭塋侍養母

輦曲盡孝道與弟日芬友愛無間幼女字寧

姓俄而婿馨伊力為辭婚公不可嫁女而維

持其家辛未歲饑士賊蜂起賊給邑令若單



騎臨我我當受撫令誤信不為脩公洞知其  
詐亟沮令曰是必有謀不可信為密設方略  
戒脩而后招之賊計奪乃就撫大庇一方至  
今閭里猶嘖嘖口碑間兵燹之餘遺骸相望  
令人周視而遍瘞之公好德濟貧類如此甲  
申乙酉間詔旁求巖穴之士邑令欲以公  
應力以病辭泌水衙門詩酒為樂以終其身  
崇祀鄉賢以子毓棟貴贈奉政大夫吏部稽  
勳清吏司郎中

皇清

焦毓瑞字輯五號石虹馨孫日芬子也順治丁

免耗折祛弊政巡按宣大則招流亡葺學校  
課桑農巡鹽河東酌定成規使鹽斤不盈不  
縮商民至今稱便及進刑部右侍郎用法寬  
恕凡屬矜疑莫不平反太湖縣民因事行財  
法司擬以授受同科律應死公曰受者百二  
十金乃為滿貫以授者分計三人各四十金

章邱縣志

卷之九

人物

三

法止杖耳律云皆計所得是其証也奏請得  
末減遂為定例活人無算調兵部右侍郎值  
黔滇用兵夙夜在公簡料兵食不遑洗沐及  
吳逆蕩平壬戌上元賜宴乾清宮  
上手金卮賜酒詔賦栢梁體詩公有天河洗  
甲通蠻鄉之句公外和中嚴以誠接物而遇  
事立刺無模稜持兩端之陋轉戶部左侍郎  
悉心任事以疾卒蒙恩賜卹典馳驛歸葬  
賢入鄉

李縉明字仲卿順治己丑進士明於吏治初任

蘆江北釐奸剔弊興利惠民口碑藉藉尤能  
究心經史博覽羣書故分較北闈所拔皆知  
名之士在任購求遺書傾囊買歸手不釋卷  
一如諸生狀別業曰嘯園吟咏甚富著有蓄

德錄彭門腐草字學蠡測嘯園  
集等書行世司寇高珩立傳

胡璽字爾玉號良卿中丞東漸公子也歲貢生  
考授州同知僮磊落淹貫經史工詩



文詞兼精書法一時推為宗匠且尚義氣輕財重交著有憶山堂存草淡泊居詩逕贈兵部職方司郎中司寇

牛天宿 字覲薇順治己丑進士初授江西安遠縣以勦寇捍城功陞工部員外歷郎中

兩權蕪湖龍江關俱有能聲陞陝西延安府知府延有虎患作文驅之虎不為災丁艱回籍父老孳留遮道垂涕後補廣東瓊州府知府瓊俗市厘貿易男女襍處諭以禮義習俗一變因病乞休歸著有安政三畧厚俗

郭見龍 字瑞楚順治年歲貢初授北直永寧縣令書海表奇觀百僚金鑑等集行世聲

潘颺言 字陳伏一字虞謨號韋菴順治壬辰進士幼穎悟下筆驚人釋褐後授直隸

晉縣知縣鋤抑強暴驅除响賊民獲安堵尤加意作養人才集士子而為講解指示束躬

章邱縣志

卷之九

人物

詩

砥行之規士皆興起擢文選司主事未幾註吏議歸倘祥山水日賦詩自娛豁朗粹白與

人無忤訓課子孫優游終老新城何世璠為之立傳

胡世藻 字友澄號潔菴中丞東漸公孫也登康熙丙辰進士初令寧德勤於吏治以政

冠八閩卓異賜蟒袍擢四川正安州牧修學宮立課程令諸生每月一集州署講論課試親為甲乙於是人文蔚起內陞臺郎歷

兵戶兩部釐奸剔弊政務肅清分校禮闈所取皆知名士欽命督學中州釐正文體甄拔者鄉會多列前茅事竣例當修河以公清

介特旨諭免陞授湖廣叅藩地近苗疆素多蠢動公德威兼濟苗民向化百姓感服

州建生祠引年歸疾父老攀轅流涕者千

人崇祀鄉賢署邑侯高郵沈文崧立傳

焦毓棟 字立庵號吉雲馨孫日培子也為人寬和勤毅喜慍不形康熙己未進士任行人退食讀書一如寒素授考功主事公憲在考稽有不合輒不署銜同堂敬憚時某憲在



某令疏有續據司道揭報云云有欲執為口  
 實者公力爭日續據則與狗隱異矣何得厚  
 誣若也擢驗封員外郎攝考功員外郎事公  
 日五日京兆敢自逸乎重考覈嚴責任各省  
 命盜重案時事不一司牧拖欠非關侵蝕種  
 種委曲洞見弊源具稿陳請二十餘事俱允  
 頒行時當行取兩衙門公詣堂日明廷選建  
 良吏勛名統係于茲縣令往往以數載賢勞  
 微事被譴叅揭一至輕重其手冰鑑謂何期  
 交勵之同堂咸諾轉副文選旋轉司勳值西  
 闡磨勘處分公秉公樹議毫無狗避肩與中  
 聞人語日焦公在部有何事不允協者其服  
 人如此陞考功郎中冰蘖自矢不可干以私  
 尋致仕歸里公忠孝友愛出于天性侍父先  
 意承志少失恃孀嫂郭撫育之題請勅賜  
 建坊季弟乏嗣出次子承祧親媼貧者體恤  
 周至林居二十餘年以讀書課子姪為樂問  
 里子弟貧不能讀者資之邑令立陽邱書院  
 凡器用之資公解囊置備後冬成立撫軍蔣  
 公題其誌日學為鴻儒品如鶴立我恐人等

人紫我朱  
 蓋實錄也

胡漪

字文連號廉泉少叅世藻公子也歲  
 候選內閣中書舍人為入誠篤端方

言笑以孝友聞遠近稱德行者多首屈之  
 改授順天府經歷恪謹盡職一塵不染其有  
 干以私者輒面拒不受委署通判篆益厲操  
 行不受市廛一縷一緡廉明慈惠之聲流聞

威友其潔清如此宮詹北平黃叔琳立傳  
 輦轂間淡薄自飭以病乞歸路費皆貸自

焦綏祚

康熙癸巳科進士內閣中書借補奉天  
 府經歷歷攝海城廣寧遼陽鐵嶺諸篆

仁慈愷惻不畏強禦有莊頭侵漁民業悉奪  
 歸還之旗人每私役民間子女為賊獲者為  
 白府尹禁焉遼當奏漕時苦翻漿之厄胥吏  
 恒恐悞限乃故寬之至期車牛担負輸將恐

後又嘗攝學篆教諸生以古文風氣一變承  
 德令齡祭至四五百金輒傾囊予之以母憂

歸里嘯傲林泉十  
 餘年不復出仕



張夢白 康熙癸巳進士初授廣西永福令以簡

伏擢第一調宜山宜山素稱難治者曰三曹

其民阻洞而居催科撫字俱不得觀其人邑

有鎮曰德勝去其地數里其人往往竊出乘

虛至鎮吏因設役捕之益擾無濟夢白至吏

以告問如此者幾何年對曰二十年來猶來

輸如故也夢白曰此非抗頑必先來輸時吏

民有利其愚駭而無端相擾者故駭竄不至

耳乃撤還胥役擇幹吏數人授以綏來之術

使往遇其人好撫慰之與以酒食令之還自

是出愈眾因謂之曰爾曹逋賦所懼者猾胥

耳今就鎮所設役收租如何眾曰可遂選誠

實人司其事稅以不虧民亦不擾其善政因

如此大都

焦祈年 字毅貽毓棟季子天資穎敏學問淵深

巡南城察萬安倉五城街道皆洞燭情偽無

敢欺者南城有金魚池每兩漲行人易溺捐

俸鳩工環以牆垣民稱便焉在臺中歷掌山

西河南京畿浙江江西各道事凡有關國計

生民利弊詳悉陳奏

上多嘉納之授順天府丞授右通政署順天府

尹悉盡其職陞廣東觀風整俗使至粵見婦

女挽纜卽禁除之抵任凡一切事宜權輕重

相緩急務期至當建修十府二州書院選通

儒人分置各郡為之師濱海多盜出則巨艦

張蓋吏不能禁設法鈎捕獲渠魁李某等百

餘人商無被劫奸民陳某曾某以符劄煽惑

人治其魁株連者悉縱之武舉余某交結嘯

聚偵得其實論如律西洋人置天主堂惑其

教者瞻拜無虛日逐其倡者赴澳門粵俗以

正簡閱各處營伍使兵有紀律餉不虛糜軍

政整肅巡視澳門宣揚教化澳彞悅服授光

章邱縣志

卷之九

人物

王世睿 字道存別號龍溪康熙乙未進士授四

第粵人聞之皆為流涕



山靈叛從巡撫征勦駐劄爐建隘口檢閱金  
川九寺木坪層密諸路土兵犒賞調遣軍士  
効命因密諭監軍劉公曰蠻人性不離巢若  
以圍師必却之術兼用火攻以逼其後賊逸  
而潰可成擒矣監軍用其言遂克敵擒其巨  
魁以軍功議叙署天全宣慰土司天全自唐  
時歸於土司於今千有餘歲世睿至則鎮撫  
苗民條陳建官吏稽戶口料地畝清疆界編  
保甲追軍器六事於上官天全遂改土歸流  
後大兵討頗羅龍復委運糧由內地至察木  
往返四閱月兵餉俱足又從烏蒙鎮雄勦叛  
逆者均無遺誤特  
旨行取撫軍奏留天全郎照所議六事舉而行  
之夷民大悅九年補瀘州牧將至任使賞封  
印金幣進藏出箭爐雪嶺黑海崑崙歷番國  
一十有四事竣歸赴瀘州視事兩載之間利  
興幣除後以公事降調除授江南江浦縣調  
任上海捕蝗恤賑所至有聲所著有進藏紀  
程紀遇詩捕蝗記  
若干卷傳於世

章邱縣志

卷之九

人物

李方泌

字衡修雍正己酉拔貢賦性孝友文章  
超邁教學官學生期滿例選縣令方泌

以毋老請選近地得山西孝義俗悍好  
鬪民帶刀劍為禁絕之道路多虎為集徒役  
禁燒草木獸竄道通孝義河水決壞民田為  
之築堰建閘農獲其利鋤強扶弱民咸化之  
以母艱歸里哭泣過哀遂  
不起太史宋弼為之立傳

李慎修

字思永號雪山康熙壬辰進士由撰文  
中書擢主事授浙江杭州府知府整躬

率屬吏治肅清雍正五年遷刑部陝西司員  
外郎歷廣西司郎中歷西曹廣東司浙江司  
雲南司左右現審司前後十有餘年多所平  
反嘗有京宦某招一屠人作偶并貸以金屠  
妻素淫乘屠醉繼死其夫控京官逼死夫命  
京官不能自雪事聞上曰此案恐未的當  
命公再審公得其情寬遂白京官謝以金屬  
詞却之又有某官侵匿幣金發部勘尚他官  
欲以那移末減其罪公執不可公房聞知之  
諷以



上拔可信在法且是先自罹於法也其何以居位  
 乎房師曰真鐵面冰心也乾隆元年陞河南  
 南汝光道口碑載路稱爲白面包拯紳民感  
 德爲公建生祠數處公見之令毀其像易以  
 范文正公句宣苑城中高阜集紳士軍民環繞相  
 爲勸誘嘗於城中高阜集紳士軍民環繞相  
 向講人生天倫苦樂孝弟睦姻任恤之義家  
 聞公談論多有感泣失聲者吏役飭令無諱  
 公曰此正彼真情流露動於不自知處勿禁  
 也至批詳斷案有闕綱紀者勒爲成書六種  
 日吏治卮言勸民俗話立繼說恤囚說檢驗  
 說倫理至言以廣靡俗資五年調湖北武漢黃  
 編以爲省身克已之資五年調湖北武漢黃  
 德道凡盜竊奸宄聞公將臨相率出境旋調  
 驛傳鹽法道諭衆商曰官有官俸商有商稅  
 爾等但早完國課吾養廉自足支用勿以舊  
 日陋規汚我也商民均利丁艱回籍起復後  
 補江南驛鹽道謝恩之日上曰李慎修  
 老成直爽宜授御史之職乃改授江西道監  
 察御史公紀恩詩曰老成豈敢當天獎

爽由來自性生指陳時事盡言無隱凡奏  
 輒焚人不得見聞至疏通錢法有李慎修  
 奏不無所見之旨京師商民始知其出於  
 公也尋授湖南衡永郴桂道重過武昌商人  
 感公舊德奉百金爲壽跪求再三終弗受十  
 二年解組歸田優游林泉凡七載餘每登高  
 臨流對客揮毫賦詩以爲樂其講解經義多  
 發前賢所未發遺命不作行述不求人知而  
 人亦不能悉知也邑  
 人韓尙夏爲之立傳

張夢李

字同也汝蘊孫也幼穎慧於書無所不

學者皆師事之性至孝母嘗乘車而馬遙過  
 備力爲挽之母得不墜夢李厚贍其人以終  
 其身夢李母旣歿寒暑霜露之晨必泣血  
 墓物必自携人見其戚容咸知其往墓間來  
 也與人交質直盡言嘗自銘曰人能不欺暮  
 夜則百事可立浩然之氣由此而生御史毛  
 輝祖爲  
 之立傳



忠烈

周

王蠋 畫邑人燕之初入齊聞蠋賢令軍中曰環

畫邑三十里無入以王蠋之故已而使

謂蠋曰齊人多高子之義吾以子為將封子

萬家蠋固辭謝燕人曰子不聽吾引三軍而

屠畫邑王蠋曰忠臣不事二君烈女不更二

夫齊王不聽吾諫故退而耕于野國既破亡

吾不能存今又劫之以兵為君將是助桀為

暴也與其生而無義固不如烹遂經其頸于

樹枝自奮絕脰而死齊亡大夫聞之曰王蠋

布衣也義不北面于燕況在位食祿者乎乃

相聚如莒求諸子立為襄王余按小司馬注

畫邑去臨淄西北三十里而城東十五里有

全節莊蠋之子孫家焉則蠋為邑人無疑

章邱縣志

卷之九

人物

完

元

彭敬叔

字叔儀僉湖北憲致仕歸道遇兵

絕口後贈兵部

尚書隴西侯

張祖信

字士誠臺憲掾累遷山東憲募長毛

員外郎

入山東被執不屈抱節而死贈河南

明

李繼孜

少豪邁有膽力居嘗大書王彥章豹死

授濟南衛左所鎮撫

又于蘓州等處備倭至

彩桃江遇倭船力戰而死

加陞濟南左所世

皇清

焦毓慶

字善餘順治甲申拔貢選江西吉安府

永新縣知縣

時江右初入版圖人民鮮



少抵任後清白自誓緩催科勤撫字民歌樂  
只遇金逆之變忼慨登陴力窮援絕卽以身  
殉妾劉氏自縊其母舅張驪驤義僕劉治張  
乾恒俱以身殉可謂忠義萃于一門矣崇祀  
賢鄉

柴震龍

字

順治年歲貢選江西贛州府興

變不求苟生捐軀殉難其子柴朝賓明賓俱  
以身殉督撫具題奉旨贈江西按察司僉  
事廕一子

孝友

宋

穆端

字伯初性孝友其父賓好施與端傾貲奉

其骸弗獲乃  
招魂而葬焉

章邱縣志

卷之九

人物

三

明

劉宗

字源深少孤成化間貢入太學念母鄭老

多病卽告歸母卒廬墓側有羣盜遺之米  
不受相與歎息去三年墓產靈芝數本知縣  
陸公里顏其室曰報本堂爲立劉孝子傳

呂東籓

邑諸生爲人篤謹母卒父感風疾不能  
起東籓侍湯藥日夜不離伺父歿廬墓

三年悲號萬狀負土  
築塚纍纍如馬鬣然

胡芳胤

邑諸生父來貢與嫡母劉氏先後三月  
卒芳胤哀毀過甚及葬廬墓三年後生

母卒亦廬墓三  
年奉旨旌獎

李去垢

本縣民父故三年不入妻室遵遺命撫  
幼弟至成立督學余公嘉其行給衣巾

李岐

本縣民幼喪父岐事母孝母死  
哀號經年三年冬不絮食不肉

王尙景

本縣民父母雙亡殯葬以  
後廬墓三年奉旨旌獎



高頤 父卒哀毀過甚及葬廬墓三年負土築墓

三年足跡不入城市

杜望泰

本縣沙窩莊民素性孝友伊父罹火災

則捨身救護遇疾病則告天願代及父

葬廬墓三年

郝奇璋 字符玉天性純孝生十有三歲而孤事

定負母歸家其姊貧而寡為置田宅訓其諸

孤凡同族黨有貧不能讀書者俱代備修脯

延師成就之恤貧利物濟困扶危終

李之紳 處士李燧第三子少孤家貧母多病躬

私室者三十年如一日母年百有二歲奉

章邱縣志

卷之九

人物

三

建坊及歿哀毀骨立悲動鄰里比葬廬墓側

三年服闋後足跡不履城市設鄉學訓課後

額前任章公給與孝義芳型是訓是行匾

侯陳公題其門曰孝子第孤事母至孝舌耕餬口承歡無

王啟

號愛軒少孤事母至孝舌耕餬口承歡無

仇豹如張美玉輩為好友相與討論切摩皆

出於尋常榮利之外性慷慨篤友誼其友張

音字死老妻幼子無所依資以衣糧終始如

一遇先人忌辰惻然不樂率子孫拜祭輒流

涕有家訓十二章垂教後人得司馬溫公朱

文公遺意也邑侯魏公獎其門曰德服鄉

評 王自行 性至孝朝夕奉侍善承親意父歿廬墓

暑無間邑侯祭祭必盡哀以襟貯土成墳墓

其行賜匾曰永錫爾類



韓鎭 太學生少負甚父母病多方醫治調護或竟夜禱祝於天期延親壽及歿後哀毀骨

立每於歲時間書其所行一一備告如侍膝下者後家稍裕鎭兄弟三人兩兄皆早世姪

輩林立鎭撫視婚嫁一如已子百口同居雅有張公遺風或有勸其留餘以厚其子者鎭

曰吾空手成家如以子與姪陰為區分何以見吾父母於地下析爨時一切田宅先令姪

輩揀取其佳者而以其餘者予其子山東學政獎之曰孝友可風

郝廷奎 字掄菴號西野司鐸福山公次子中甲

立就天性孝友庚子歲讀書珠泉聞父疾遲歸待湯藥一夜數起未敢暫離司鐸公命之

退息公陰於牖下假寐實未歸寢也父疾久不愈乃與胞兄廷佐靜夜默禱願以身代父

疾因以漸瘳又篤愛兄弟有姜家布被風鄰里習其德者多化於善嘗刻陰騰文以廣勵

同學孝廉柏廣思為之立傳

章邱縣志

卷之九

人物

韓大恒 字華巖由太學生考授縣丞忠厚愿樸

不營家計曾因母病齋沐踞誦道經祈禱神佑一白狼踰垣蹲伏其側如護守狀大

恒弗知也田宅之膏腴者俱讓於兄弟自受其礪薄者倘祥林野足跡不入城市性好書

籍尤嗜道書釋典每與人講論因果以返於孝弟廉讓之正聞者化之以子尚夏貴 馳

封修職郎年七十有九卒於尚夏河南汝州司馬官署易簣之前二日猶命子書邵康節

所求處處田禾熟惟願人人壽命長之詩於壁云邑人李慎修

王昌 字德徵文燦次子出嗣與叔文煥為子天

性孝友事父母及本生父母敬養交至內外無間言本生父歿其兄晏貿易遼陽二十

入載絕無音耗本生母思念成疾雙目不見物展轉狀禱問昌乃稟請父母徒步尋覓過

村墟野廟哭泣拜禱期必遇以慰母憂如是者數閱寒暑忽聞人傳言有一山東人為他

事誣繫某縣獄得非是耶遂至其邑踪跡之



果其兄也昌力為申訴獲雪與之偕歸告其  
日晏歸矣母驚喜目復明人以為孝感所致  
後居父母母憂哀毀盡禮每值諱日涕泣如初  
喪教子孫以忠厚毋與人爭競里人稱善良  
者必曰王  
德徵云

高銓 字秀升由邑庠生援例貢  
候選訓導見高冲傳

高冲 字仲青邑庠生宗嗣次子銓之弟也生而  
穎異嬉戲輒不與兒童伍岳常道胡世藻  
為冲外祖早見器重比長果以學行著內外  
無間孺慕尤摯每父母病湯藥起居與銓共  
之未嘗稍一假手奴婢宗嗣致宗務執掌銓  
曲體父母意輒以身任使冲得一意學問乾  
隆辛酉冲舉於鄉壬戌赴會試闈後問兄病  
即歸同輩料其命中勸以稍待冲曰吾少倚  
兄以立恩比罔極萬不忍以功名薄於手足  
也揭曉中明通榜是時 朝廷殊典預明通  
者許即選教職中以歸故報罷處之恬然畧  
無悔意友恭之雅一邑稱首年未強仕卒論

章邱縣志

卷之九 人物

者深惜冲之未竟其志也雪  
山先生李慎修為之立傳

李進登 性醇篤父母歿哀毀骨立進登素有足  
疾營葬北郭匍匐擔土成墓露宿墓側  
或勸之歸不聽築草廬朝夕哭奠時一犬不  
知何來相隨弗去人以為孝感所致三年哀  
傷卒

焦汝益 字未始綏祚之子侍父母疾衣不解帶  
會歲潦出廩中粟以濟貧陰以為親祈

壽所全活者百餘家居父母喪悲痛骨立將  
葬形家曰今年歲運恐不利中子諸兄弟欲  
改卜期汝益泣然曰惟期父母安耳父母  
安身尚可殉我何計焉遂葬竟以哀毀卒

吳士成 字秀實性至孝七歲喪父事母流涕  
意承志竭力奉歡母嘗救火傷其手足  
臥床褥數載不起士成衣不解帶不入妻室  
者十年及母益衰衣食動履皆躬自扶持不  
避穢濁五十年如一日及母卒士成哀毀骨  
立悲動鄰里比葬負士築墳野居露處不肯



回家其子國彥國瑞念父年邁左右跪泣哀  
勸不得已歸家潔除一堂設木主事之如生  
三年之內寢苦枕塊食不葷衣不  
絮足跡不入城市族黨咸稱其孝

焦繩祚

字其武幼入粟得州司馬已而謝弗就  
持身端肅治家廟凡祭祀必式於古性

嚴毅嘗面斥人過其人屏息汗下焦故望族  
其子姪姻戚甚衆其無力婚塋者繩祚輒代  
為經紀之暇則集族衆後輩為陳祖宗先達  
忠厚善事訓誨之媿媿不倦晚構亭百脉泉

畔徜徉自適壽光  
李封君為之立傳

韓良士

家儒素性孝友五世同居家口百餘羣  
處和集頗有江州陳氏共食之風且篤

於友誼所交有姑蘇客商以重貲寄其家  
十餘年不至良士訪之金陵商已歿原璧歸  
其子人皆服  
其高義云



義行

宋

張中宣

字元忠虞曹員外郎嘉祐五年執親喪居里見清平軍舊無學遂率同里數十人輸財出緡朔立夫子廟并左右室若干楹不足又捐私金若干兩給之見郭灝私修夫子廟記

明

康濟民

篤行善士事親能先意承志有少婦曾避盜園中憑高垣呼濟民援之濟民念即急不可廢禮命童子梯下之為刑省掾同舍掾有大醉而夜遺金者濟民晨起出所遺

章邱縣志

卷之九

人物

三

授之其人驚嘆邑人高其行稱曰康懷朴云

襲彪

少時嘗為縣官輸租詣京師見遺錢百緡於道彪稍稍致之車中逆旅人意彪且私之曰孰與易之金而橐中裝焉便逆旅人固進彪固謝乃馳及前遺錢者下自致之輒起乘不顧而去又嘗代宗人償粟三十斛即收債者亦不為彪粟也其好施不自德類此

候志勝

家貧甚嘉靖間有沂州解銀大戶鄭鶴算遺銀百兩志勝拾報於官鶴算欲中分之志勝固不肯受官給匾獎之志勝懸於戶內而逃曰凡名與利皆身外物也

呂應魯

萬曆二十一年歲大稔本縣奉檄煮粥救饑應魯輸粟百石濟荒蒙撫按批給冠帶門匾以示優獎

皇清

張秉忠

樂善好施其同鄉貧戶欠國課共五十餘金張憐之代為輸納每遇凶歉施粥



濟人利物難以  
更僕數前司鐸朱尹尚先生表其廬曰德臻  
純嘏

高升秀 邑庠生壽九十歲累舉鄉飲此外未嘗

熙四一子幼無依秀責以大義留而收養之俾  
一門母子完聚尤其義行之最著者  
前邑令馬公表其廬曰儒林雅望

王養賢 好善樂施始終不倦閭鄉李祖耳等公

高志禎 忠誠敦厚其父蚤逝事母克盡孝道兩

息爭訟睦鄰任  
郵綽有古風

王思簡 進士王忻之孫少承家訓篤志詩書數

直一無所入蒙其拯濟者過其閭必式卒年  
八十三子者佐廩生孫居敬庠生能世其家

章邱縣志

卷之九

三

張邦孚 寬厚和平喜施樂與遇里有爭競輒為

解勸莊側有石河夏秋漲溢往來者多  
若泐水邦孚年七十倡義勸眾力築

成巨橋焉行人咸利之壽至九十餘

性純厚工岐黃術求無不應家雖貧不受  
餽謝鄉黨高其誼邑令馬公賜匾曰春

高擇 性純厚工岐黃術求無不應家雖貧不受

滿杏林壽至  
九十四歲

高如峻 字峻生以勤苦致蓄然慷慨好施鄰朋

宮奎樓橋梁道路等事其始也峻為之倡其  
成也峻為之終又曾捐資於廣濟堂以宏

國恩邑令章公申請 賜

匾曰慕義維風  
郝寧祉 字百祿符玉次子也天性孝友母年九

十餘左右就養凡飲食供奉悉躬親不  
委婢妾其兄弟相繼歿遺子六人寧祉俱撫  
育教訓之俾有成就處閭里間設義塚施棺  
槨濟饑餒代贖子女諸善事樂之不疲由歲  
貢任福山教諭振興文教士風丕振臨終囑



其子曰人負吾資尚有五千餘金可悉焚其券母與人銖銖較量也邑人韓尙夏爲之立傳

**高登旺** 字際九歲貢生合容有度無疾言遽色

而詰之婦素不識高曰吾盜高際九麥於爾何與高曰吾即際九也婦舍稼而逸高呼婦曰適誰汝耳吾非際九但際九從後來矣命携稼而去平日杖履逍遙怡然自得邑人李慎修述其行事與栢超

張珮爲三善合傳云

**栢超** 少業鍛鐵後家漸裕孝友和易與人無忤

有弟析炊已久弟故復召弟婦同居延師課其子成就之有告貸者無不與不責其償老弱跛疾之貧者咸詣超家爲傭或以詰超超曰一人豈無半人之

力乎其寬厚類如此

**張珮** 幼負販爲業漸至饒裕性寬厚好施與濟人扶困樂善不倦其子姪輩振拔克家珮

章邱縣志

卷之九

人物

三

猶優游衢路遇騎客馬上指揮之或索水火之物珮恬然與之不怒也東鄉青龍山廟珮

捐助之力爲多人呼爲張善人云

**高鳳池** 字協遠邑諸生性孝友敦篤少失恃繼母性嚴毅委曲奉養得其歡心撫而幼

弟先後成立屢家務煩冗養和省會利濟堂炮製悉依雷公曰心宜盡也歷邑李陔府轉輸西陲軍餉有內顧憂鳳池爲經紀其家明府歸酬贈之卻不受邑廣文高某病噎鳳池爲請於當道得解官歸鳳池潛市美櫛尾之行抵家之明日卒臨終語其子曰遺骨首邱翳誰之賜爾子孫勿忘高協遠也大中丞岳公獎掖善類顏其堂曰滋德云

儒林

唐

**崔融** 唐書本傳曰崔融字安成齊州全節人擢八科高第累補宮門丞崇文館學士中宗



爲太子時選侍讀典東朝章疏武后幸嵩高  
見融銘啟母碣歎美之及已封卽命銘朝觀  
碑授著作佐郎遷右史進鳳閣舍人時有司  
議關市行人盡征之融上疏謂周官九賦其  
七曰關市以市多淫巧而關通未游欲止抑  
之故加稅耳然唯歛工商而不及往來今一  
切通取則事不師古且四人異業舊矣復動  
而搖之市者兼受善惡也若甚則細人無所  
容細人無所容久必爲亂天下之關必險道  
市必要津豪宗惡少在焉聞一旦變法或致  
騷動恐南走蠻北走狄今江津河濟列舖率  
稅檢覆稽留加主司僦略邀丐則商人廢業  
魏晉齊隋所不行況陛下乎如有師興費廣  
雖倍算商旅加歛齊人可也后納之張易之  
兄弟頗延文學士融與李嶠蘇味道麟臺少  
監王紹宗降節佞附易之誅貶袁州刺史召  
授國子司業與修武后實錄勞封清河縣子  
融爲文華婉當時未有輩者朝廷大筆多手  
教委之其洛出寶圖頌尤工譔武后哀冊最  
高麗絕筆而死時謂思苦神竭云膳部員外  
郎杜審言爲融所  
獎引爲服總麻

章邱縣志

卷之九

人物

三

宋

李格非

字文叔幼俊警異甚有司方以詩賦取

萬言遂登進士第調冀州司戶參軍試學官  
爲鄆州教授郡守以其貧欲使兼他官謝不  
可入補太學錄再轉博士以文章受知于蘓  
軾嘗著洛陽名園記謂洛陽之盛衰天下治  
亂之候也其後洛陽陷于金人以爲檢討不  
聖立局編元祐章奏以爲檢討不成就言紹  
意通判廣信軍有道士說人禍福或中出必  
乘車叱俗信惑格非遇之塗叱左右取車中  
道士來窮治其姦杖而出諸境召爲校書郎  
禮部員外郎提點京東刑獄以黨籍罷卒年  
六十格非苦心工於詞章陵轍直前無難  
易可否筆力不少滯嘗言文不可以苟作誠  
不著則不能工且晉人能文者多以至劉伯  
倫酒德頌陶淵明歸去來辭字字如肺腑出



遊不步天人之上其誠著也妻王氏世孫  
女亦善文清照才情更麗尤工于詞嘗有  
評史詩曰兩漢本繼紹新室如贅旒所以稽  
中散至死薄殷周意見聲調絕響一代班好  
左嬪蔡文姬之流也嫁趙丞相  
挺之男明誠自號易安居士

元

李敬簡 博學能文與棣州教授朱持  
正齊名一時號曰朱李文章

明

李開先 字伯華嘉靖中海內所稱中麓先生  
者是也開先生而卓異七歲能文嘉靖  
已丑進士是時北地旱獻吉信陽何仲默後  
先告逝而晉江王思道即陸唐應德倡論謂  
獻吉即名高一代然于文章正法裁不免仍  
隔一塵于是盡洗詰亢之調而一歸恬雅開  
先與吉水羅達夫平涼趙景仁復左提右攜  
李何文集幾于遇而不行故一時有九才子

章邱縣志

卷之九

人物

三

之稱而開先九子詩又高自標榜謂足掩映  
前九子云又以其餘力為金元諸曲流麗悲  
壯見者驚謂馬東籬張小山復生嘗奉使關  
中康修撰德涵王檢討敬夫夙揆詞名意不  
可一世見開先詞皆亟加賞命折節倒屣不  
敢稱前輩遂極驩而別還朝除戶部以才望  
改吏部至選郎轉太常寺少卿為夏相所忌  
罷歸優游林下近三十年益耑肆于詩文下  
至里巷狹邪之音亦皆降調為之開先才敏  
捷甚每為文一篇輒萬言為詩一韻輒百首  
皆橫口縱筆而成不為巉巖嶮嶮之語而有  
一種天機自在之趣又好客座上嘗滿精象  
綦自許海內無兩手所著間  
居集併雜集數十卷行于世

袁崇冕

而崇冕獨以布衣終崇冕富才情善金

元詞曲所著春遊秋懷與夫南北諸小令異  
曲同工幾奪金元諸名家之座關中王漢陂  
冀北楊方城與邑人李中麓皆自負風雅揆  
一代而于崇冕之詞獨心折意肯漢陂曰雅



俗相兼渥渥有餘音方城曰神聖工巧元人之儔品中麓曰金石之音玄黃之色而陽信劉世偉跋崇冕詞序則曰述宴樂棟石流雲鳴酸楚山林落葉陳逸曠鶴舞庭階注閩情香生枕簟其為各士所賞識如此即崇冕之詞可知矣又有謝九容亦布衣嘗著樂府二卷

張國籌 隆慶年選貢任行唐知縣少年雅負才名善金元詞曲所著有脫穎茅廬臨岐

柳章臺柳韋蘓州申包胥等雜劇藏于家

高應玘 嘉靖間例貢李中麓高座弟子也工詩能詞隆慶間任元城丞有清白之譽是

時王元美先生鎮大名應玘上詩為所賞鑑南樂魏考功時為諸生應玘與相往復居亡

何歸益以詩文自娛所著有醉鄉小稿併高仲子歸田稿藏于家

華鰲 御史珩之孫邑諸生以繪事妙天下每落筆輒題咏其上曰空塵詩畫故邑人稱曰

章邱縣志

卷之九

人物

三

華空塵云鰲雖繪事妙天下然絕不效畫家甜筆和墨態人巧之畫輒瞪目不畫不巧之畫輒畫其得意處正在筆筆蹊徑之外詩亦如之鰲為詩無所不工而于五言特超詣有神境其題王仁甫卜築堂曰大隱不在山出處乃適意送呂中甫山人曰秋老留紅葉風來轉綠蘋宿惠上人院曰愛此疎竹月兼之一磬清孤坐曰雨霽聞啼鳥風停數落花過揚九山川上居曰爐頭留宿火花徑鎖秋雲清遠閒適字字秀絕即元亮東籬南山浩然踈雨微雲寧渠遠過若鰲者亦可語五言長城者矣

謝九式 能詩文著廻文詩四百餘首

李衡 字虎門萬歷戊午登鄉薦開先之孫也高才遠韻磊落不羣工詩善畫與同邑張光

後以不得志卒有墨跡一百二十有九

光霽寰 善畫工詩二者相兼尤工小幅寫意畫多嗜酒有風致嘗語人曰一飲酒亦宜



易事至今  
傳為美談

王時英 字千甫 邑諸生 善古文詞 工詩 與李虎  
濂其冢君也 司農焦  
毓瑞立傳見藝文

皇清

袁建高 字岱巖 壬午舉人 任浙江平湖令 少負  
雅才 工詩文 尤善七言 曠達幽秀 著有

龍吟集

王濂 字穉濂 順治戊戌進士 授四川榮昌  
令 工詩詞 新穎秀逸 有岑王之風

弭光宗 字華先 邑諸生 好客 愛潔 工詩 蕭然有  
物外之意 淄川張篤慶立傳見藝文

焦綰祚 字翰臣 別號如圃 毓瑞孫也 少為諸生  
有聲 淄川唐太史每扣所學 與之上下

古今媿媿不倦 贈以詩曰 敢道長源為小友  
真成羅石是吾師 嘗隨侍其祖司馬任所 凡

章邱縣志

卷之九

人物

罕

國朝典故以及卿大夫嘉言懿行罔不默  
識之 戊子應順天試主司推許定魁以策中  
訛字見遺同考歐陽公為刊其文雅好咏歌  
風格超逸 新城漁洋先生謂其得大蘇神味  
至性孝友 侍母李氏年逾六十 依依孺慕 與  
弟綏祚自相師友 雖極寒暑 手未嘗釋 卷遺  
詩百首 藏於家

袁之升 字吉南 生而穎異 嘖笑不苟 弱齡即通  
毛詩 左傳 太史公諸書 源流井井 雖老

成宿彥 莫能辨難 年二十為諸生 讀書白雪  
書院 一時知名 士如孫子勳 劉大毅 趙泰 臨  
輦皆歎服 無異言 方伯衛公延以為師 初柘  
城荆襄 高先生過稷下 見之 升歎曰 吾日中  
一人也 戊子先生典試山東 之升不赴 試恐  
議者謂為不 休中選也 其清特如此 撤棘後  
越道至其家 談笑竟日 之升所著有 泰定性  
理南華律法新書 批孟子左傳杜詩 凡數十  
種 其尤用心者 四書平語 語類 兩書 俱藏於  
家 晚精於易 預知卒期 益都王元再先生誌



其行事於同  
學譜誌中

趙浩

字配義性耿介學道敦行以正誼明道為  
已任嘗稱裴吏部之言曰士子先器識而  
後文藝此千古格言也少為諸生試輒前茅  
聚徒授經所與講論皆儒先精義及門弟子  
多所成就如焦耒始汝益兄弟其選也年七  
十以歲貢選陽穀訓導例赴撫院考驗或勸  
其籍貫中減數歲於例為符輒正色曰而不  
聞孟子所云得之不得有命乎卒以此報罷  
邑人李敏樹  
為之立傳

焦續祚

字嗣宗號鶴野以庠生援例候選學正  
前太常典簿舜同之子出嗣為舜舉子  
祭祀必極誠敬其嗣母族周恤之如親甥姊  
寡無依營居室置衣食以贍之性嗜學古書  
皆經手抄名曰廣益錄善真草書其遺紙入  
爭寶之其叔祈年題其門曰留古處因又自  
號為留古  
居士云

章邱縣志

卷之九

人物

三

木翼宗

號石髮又號雪嵯子少為邑諸生中年  
棄舉子業好為詩歌浪遊湖海多忼慨  
激楚之音歸老胡山篔簹自適故晚年之詩  
尤有閒情遠韻新城王漁洋先生嘗稱其得  
唐人衣鉢欲刻之以壽於世卒亦未

寧天瑞

字聚五業儒素貧其婦巨室女也一日  
相偕為婦翁壽頗不禮寧拂衣歸誓與  
絕婚書未竟而婦至寧驚問之婦曰夫婦一  
也因泣咽不能語寧大喜曰真吾婦也自是  
苦志耽讀種瓜自給雖負薪汲井亦必袖一  
卷且哦且行有時述於所往弗顧也數年成  
進士婦家以厚幣往賀寧笑而麾之官武清  
縣令結習依然折獄問遇文士則自道種瓜  
時事媿媿不倦一日升堂元坐吏抱文卷進  
為笑不數歲罷歸沈浸愈力品鑒愈  
精其於文詞可為性命以之也已

李之麟

字玉書邑諸生性嚴靜友教弟子未嘗  
見其有跛倚之容敬老睦親周卹貧乏



怡怡如也嘗語人曰聖賢道理一着心檢點  
日用間在在撞着又曰人人有一片光明地  
面人人有卸不了的

焦丞曾

字敬散號紀堂考功毓棟之孫教諭弘  
年次子少為邑諸生有文名數入棘闈

不遇一生孝友絕跡公門好讀書臨池得香  
泉筆法手輯家乘三卷書於素冊以示後嗣

進士耿賢舉  
為之立傳

郝純祉

字罄宜奇璋公長子也性敏好嗜古才  
量過人幼讀濂洛性理諸書慨然有志

追前賢芳躅比長貢成均蒞任膠州訓導教  
士先德後藝遇諸生雀角類以德化士人咸

悅服繼轉寧海聲稱尤茂復勵同學修葺學  
宮炳然維新後陞高唐學正恪尊蕪湖教法

無殊初再任上憲重其廉能交章薦於朝公  
緣母年邁不圖仕進以終養回籍愛日之

依依若孺慕世之急仕進而違也養  
者聞先生之風能無慙然內愧歎



勇略

唐

杜伏威

少豪蕩不治生貲與里人輔公祐約列

迹捕急乃相與亡命為盜時年十六伏威狡

譎多算每剽劫眾用其策皆效嘗營護諸盜

出導入殿故其黨愛服共推為主隋大業九

淮南稱將軍下邳賊苗海潮擁眾抄暴伏威

遣公祐脅諭之海潮懼即引眾下之江都留

守遣校尉宋顯將兵捕擊伏威與戰偽北誘

顯墮葭葦澤中順風縱火迫之步騎燒死幾

盡海陵賊趙破陣聞伏威兵少輕之召使并

力伏威引親將十人操牛酒謁輔公祐嚴兵

待變破陣引伏威入幕置酒悉召酋首高會

伏威笑斬破陣眾貽駭不及救復殺數十人

下皆畏服公祐兵亦至遂并其眾至數萬攻

安宜屠之隋遣虎牙郎將來整戰於黃花輪

伏威大敗身重創與公祐纔有眾數百亡去

行收卒得八千與虎牙郎將公孫上哲戰鹽

城覆其軍煬帝遣右禦衛將軍陳稜以精兵

章邱縣志

卷之九

人物

聖



管封楚王是時秦王方討王世充遣使招懷  
伏威乃獻欵高祖授以東南道行臺尚書令  
江淮安撫大使上柱國吳王賜姓豫屬籍伏  
威遣其將陳正通徐紹宗以兵會取世充之  
梁郡又遣將王雄誕討李子通於杭州禽以  
獻破汪華于歙州盡有江東淮南地秦王已  
平劉黑闥師次曹兗伏威懼乃入朝詔拜太  
子太保兼行臺尚書令留京師位在齊王元  
吉上以寵之武德七年二月暴卒初公祖反  
矯伏威命以給衆趙郡王孝恭既平公祖得  
反書以聞高祖追其官削屬籍沒入家產貞  
觀元年詔復官爵伏威有養子三十人皆壯  
士屬以兵與同衣食  
惟闕稜王雄誕知名  
闕稜伏威邑人也貌魁雄善用兩刃刀其長丈  
名曰拍刀一揮殺數人前無堅對伏威據  
江淮以戰功顯署左將軍部兵皆羣盜橫相  
侵牟稜案罪殺之雖親故無脫者至道不舉  
遺從伏威入朝拜左領軍將軍越州都督公  
祖反稜與南討青山之戰與陳正通遇陣方

章邱縣志

卷之九

人物

三

接稜脫兜蓋謂衆曰不識我耶何敢戰  
多稜舊部氣遂索至有拜者公祖被稜力  
然好自伐公祖被擒乃誣與已謀又伏稜王  
雄誕及稜貨產在丹陽者當原而趙郡王孝  
恭悉籍入之稜自訴  
忤孝恭遂以謀反誅

皇清

王銘盤

邑庠生性慷慨識膽過人鄉里中事無  
巨細直身任之順治十二年土寇倡煽  
騷動邑民銘盤不避險難持大義往說招安  
之寇帖然順從邑賴以平撫臺于公獎其

廬曰仁人君子  
卒年八十有三

王焯

邑庠生素有膽量尤精武藝英特自負後  
考授縣丞于康熙三十五年率子大恭自  
備糧馬隨駕征葛爾丹叅謀畫善陣  
戰多有奇功事平欽賜章京職銜

隱逸



宋

廉復

居繡江之側誦易種竹優游不仕友人王

遺逸刺史王才叔將迫復行復固不肯而陰

薦其弟子胡鄢以自免年九十餘卒里人李

穆賓

字廷秀其先河南人遷居章邱女郎山之

終身里中人無老幼貴賤皆稱曰君子熙寧

初卒年七十三洛陽王壽卿為題其墓表表

明

胡東銘

字鑑南博通世務善吟咏亦能金元樂

種竹日徜徉其間天啟中縣令表其

章邱縣志

卷之九

人物

器

張光啟

字元明邑諸生每試輒前茅聲名藉甚

朱欲薦用堅辭不應遂放情自雲湖之濱滅

跡西墅日以園林詩酒為樂買山居以梅公

耆壽

明以前無考

皇清

王養民

字皞如於康熙

萬壽時年八十一歲蒙

御賜頂帽黃衣拐杖壽至九十一歲

隗天佑

字申之於

上諭查

民間勤勞儉朴身無過舉老農州縣各舉一

人給以頂帶以示獎勵前邑令張公以天

佑舉其略曰耕讀相傳朴勤自矢居家克全

孝友閭閻著江夏之聲力農備竭辛勤草野



起南陽之譽洵為  
移本之良民宜錫

表揚之盛典蒙  
皇恩給以八品頂帶

王忍 字百忍為人敦厚周慎孝友兼盡遇族道  
戶出金代納鄉人爭忿多因其辨解而息

邑令 羅公旌其門曰倡輪好義邑令 毛

皇恩優恤耄耋賜以正八品頂帶享年九十

餘歲其子孫咸謹厚自守克紹其家

栢福通 生於前朝崇禎敦本務農訓課子孫足  
不至公門五世同居俱雍雍循禮法邑

令 李公給匾曰壽駕香山子恒考授正八  
品孫先進庠生士璉歲貢曾孫廣思領鄉薦

人咸以為積德所致也卒  
於雍正八年享壽百歲

郭國瑞 邑庠生忠厚正直好施樂與前  
史公以上聞蒙

皇恩賜帛二次壽至九十  
八歲子孫蕃衍

章邱縣志 卷之九 人物

郭琬 存心忠實行事端方康熙己亥邑令 張  
公嘉其德賜匾曰香山遺老壽至九十餘

歲

高可嘉 廩生增學之祖  
年九十六歲蒙

皇恩賜八品頂帶邑令 毛  
公賜匾曰盛世耆英

劉鞏基 乾隆元  
年蒙

皇恩賜八品頂帶邑令 毛 公給匾曰誼重憲乞年  
八十四歲卒子如鈞孫澤長澤深皆邑庠生

李進福 孝友敦篤睦族濟貧訓子義方不干外  
事每曳杖里間聚子弟後輩教以善行

皇恩賜八品頂帶以榮其身 毛 公具報奉

陳繼昌 天性孝友清白自持年  
八十餘歲乾隆元年奉

旨給正八品頂帶以榮其身邑令 毛  
公表其間曰齒德並隆



馬雲梯 天性純良務本重農毫不妄為年八十餘歲於乾隆二年蒙

皇恩賜正八品頂帶

闕世臣 立品端方持躬謹慎足跡不履公廷壽百有二歲於乾隆十三年奉

旨建坊旌表匾曰昇平人瑞

郭坤 年九十餘以德行著於鄉於乾隆十三年蒙

皇恩賜銀牌後又蒙欽賜銀兩

蔡印錫 年一百四歲於乾隆十八年蒙

皇恩賜八品頂帶奉旨建坊曰昇平人瑞

張欽 性耿直樂施與父母亡弟年幼篤于友愛里中有睚眦之爭曲為和解人皆重其德望壽至八十四歲

郭曰璉 邑諸生居卑村鎮苦無水連鑿義井以贍眾奉母命借館為義學多所成就壽至八十餘歲

章邱縣志

卷之九 人物

三

李大乾 例貢生尚氣節樂施與比舍某欲售宅償負大乾保金之里正某欠官項代輸五十金得釋壽至七十

方伎

明

杜世威 東錦之顏莊人其術不知從何異人授受而能號召鬼神若取之懷袖嘉隆之

季名動海以西白川劉公月林邱公屢試其術皆奇驗大加敬重欲薦之朝世威固辭萬

曆年間卒於家里人至今能道之

陳得祥 東錦之普濟人少好立學嘗遇一黃冠雙鬢方瞳領蓋語合得祥邀至家因盡

授太素脈訣復語之曰世所傳脈經脈訣大謬汝持此遊人世可無兩手後數十年當遇

我而里中人沿習高陽生說不肯信迺北走燕始落落難合後其醫益奇驗名暴起遂領

諸國手塞上縉紳迎之無虛日後歸里董君復亨試其脈應如響恨相遇之晚顏其門曰



長桑  
真脉

皇清

侯夷門

善畫精工盡致晚年潑墨  
更簡遠入妙張光啟珍之

王生周

名醫後以其術授李柔克邑人李敏樹  
為二人合傳曰王生周者邑之北門內

人也業岐黃與翟玉華齊名子孫零落醫案  
散軼殆盡罔可追錄然邑人至今艷稱其姓  
字則當日可知也李柔克從仲與生周居比  
鄰為莫逆交慕其術購書吟哦日夜不息王  
聞之輒大笑不能已已問之亦不答仲雅知  
王素有潔癖乃伺其下榻處躡足洒掃率以  
為常王心異久之竟不知其誰何也一日佯  
出逾時歸視則仲適役焉王大驚以排行呼  
仲曰阿三果有志斯道何罪我乃為是領  
心指授如師弟誼劇會王於邑士大夫是所  
診方怪問孰為此者其人乃告王曰然曰奪  
我席者必從仲也然我死乃顯生周發李果

章邱縣志

卷之九

人物

聖

名噪一時會邑侯史公女病醫之候湯藥者  
日以數計迄無一當乃延仲預飾一婢之壯  
麗者置幕中試之仲至診畢語公曰此女無  
病且脉賤非掌珠體史公大驚因語以女病  
狀一七而愈蓋仲兼精太素脉嘗診歷下龍  
山鎮李公友馨預決其有貴子子即今儀部  
主事進士李錫韓袞也袞奇其事數以語人  
其他方劑奇中亦多類此生周嘗稱玉華為  
七分醫已五分仲可三分然固已視見這一  
方矣所著有脉訣珠囊集其子孫不能診惜  
散軼無存

李柔克

字從仲見  
王生周傳

李佩

字班麓業岐黃遇病者雖極寒盛暑不辭  
以故心愈誠業愈精延之者無不立效有

孕婦某小便秘結諸醫不知所為李至診畢  
謂其夫曰只須倒持搖之無以藥為夫如其  
言不移時愈人請其故李曰胎動下垂塞便  
道倒持搖之胎還其處而便道豁如矣又同



邑某自命傷寒專門忽遭疾自醫弗效素嫉  
忌不肯延其兄素與李善延之診畢一七而  
愈某由是始服醫案多奇功不  
盡錄是以歷任邑令皆嘉獎之

張鑒

遠歲貢生志尚清高工山水畫閒  
入妙所遺尺幅人皆珍之

呂越

邑庠生精軒岐術當瘟疫薰染多暴死越  
起死回生之力請治者盈門雖溽暑洎寒必  
往嘗曰病者依吾為命可緩須臾乎遊擊程  
簡贈詩云學本儒宗骨本僊龍宮授得濟生  
編拯痾此日青囊秘保赤他年黃榜賢邑令

席公獎其門曰遊心杏橘

王毓樸

字子實弱冠值母病求良醫不獲母卒  
毓樸深以不自知醫為恨遂棄帖括之

學究心岐黃十年寒暑不輟竟以醫名家有  
邑人李姓暑月于友家飯後忽吐瀉眾醫以  
為霍亂毓樸曰脉細微而數乃中毒刻將死  
矣未幾卒又族姪生痘他醫以險逆不可治

章邱縣志

卷之九

人物

吳

毓樸曰胃脉未壞甚猶可以治但毒盛于肝  
上炎于目恐生翳障眇不免耳後果如其言  
邑令楊公贈以詩曰聖朝誰擅調元手爭  
羨王君子實賢素問以來無並駕青囊之後  
此其傳進乎技矣幾于道誰謂醫耶不是  
仙一七回春果立見杏林花色正娟娟

流寓

周

柳下惠

魯公族展氏名獲字季禽無駭子仕魯  
為士師三黜不去沒而其妻誅之門人

遂從其誅以惠為謚余按惠三黜不去而邑  
中有展柳二姓皆自謂惠後且其弟蹶遺跡  
亦在境內躡山豈亦去魯咫尺而惠嘗三  
黜後亦嘗寄居此土而子孫遂家乎

寧戚

衛人戚欲干齊桓公窮困無能自進乃為  
商旅賃車適齊暮宿郭門之外桓公迎

客夜開門辟賃車者戚飭牛車下望桓公而  
悲擊牛角為疾商之歌桓公聞之執僕事曰



異哉此歌者非常人也命後車載而歸賜之衣冠戚見桓公說以合境內明日說以為下桓公大說卒授以為卿邑中有寧戚城余意非其叩角之地或其食采之邑也

漢

鄭玄

字康成北海高密人少師第五元通京氏易公羊春秋三統歷九章算術又從張恭祖受周官禮記左氏春秋韓詩古文尚書因西入關見馬融盡質諸疑義即辭歸而學徒相隨數百千人後黨事起杜門不出國相孔融深敬玄語高密縣為玄特立一鄉曰鄭公鄉玄後先應何進袁紹碎往來幽青徐冀之間常寄居豐堂嶺箋詩書嶺下有草如薤土人名曰鄭公書帶草云

宋

范仲淹

字希文蘇州吳縣人官至叅知政事少孤從母適長山朱氏即姓朱讀書長白

章邱縣志

卷之九

人物

晁

山醴泉寺嘗煮粥作四塊早晚斷齋數莖啖之見窖金不發及為西帥乃與僧出金繕寺登第時名朱說節度集慶軍始更名還其姓世傳其復姓表云志在投秦入境遂稱為張祿名非霸越乘舟偶效於陶朱

金

水虎通弟道

丞相高琪子高琪為相頗專擅政以罪死而當時用事之臣方修舊怨欲甘心通兄弟通懼因與其弟携家亡命至章邱寄居焉其後子孫去虎留木今邑木姓其後也族頗繁衍

明

劉應節

號白川萊州濰縣人嘉靖丁未進士材望藉甚所至以宦業顯總督薊遼太為魯人所畏服轉刑部尚書萬歷己卯上疏乞歸歸而道出章邱見其山川盤踞園



置繕田宅為終焉計而先是用徽人吳定石  
議已遷封君墓於城東長白楊緒之間居二  
卒不果其志

蘇州

卽雪簑道人杞縣人幼落魄江湖嘉靖丙  
午寓居章邱與李太常開先遊洲工琴工  
琵琶能歌吳曲妙有青娥遺韻又善草書大  
至盈丈筆勢飛動見者驚謂顛素復出嘗作  
風入松八十一闕譎怪變幻皆非人間世語  
好雄飲醉後袒臂大叫旁若無人李太常為  
作傳謂洲雖狂誕簡傲

葉溶

號小塘徽州人少習孫吳家言與曾襄愍  
謀復河套襄愍以譏遇害溶匿姓名往來  
燕趙齊魯之間與琅琊邱少宰貞維烈司寇  
善萬歷甲午寓居章邱年七十九矣閏後亂  
欲上疏自効人間與之杯酒談邊事娓娓若  
聚米所著內外策二十餘篇皆非老生常譚  
張自慎字敬叔商河人少為邑諸生負才藻落  
拓不羈去而來章邱卽家焉遊李開先

章邱縣志

卷之九

人物

三

太常之門太常不輕推轂顧亟加鑒賞曰老  
夫衣鉢須此子張大之自慎工詩工文而其  
得意處尤在金元樂府嘗著雜劇三十餘種  
藁多散軼不存余間索其散套並雜劇三四  
種讀之才情兼美雅俗相參真一代妙品也  
太原萬伯修每向人輒曰北曲一派海內索  
一解人不可得眼中獨見張就山耳就  
山蓋自慎別號其為名流所獎重如此  
雲生起字從龍不知何許人萬歷辛亥來章邱  
咏以水墨寫花卉頗生動有意態間作山  
水淡遠有致晚年兼精岐黃以老壽終

仙釋

葆光子

姓郭不知何許人嘗居三陽洞學鍊  
神服氣之術士人相傳於此成仙

郭志空

字超然號長春真人嘗遇異人秘傳真  
法遂長坐不卧善運氣有時化為靈風  
通透關節有時化為玉液灌溉骨骸神幻變  
化不止一端聞於朝賜金冠錦服今城北六



十里有村名郭太師庵志空之庵與墓在焉舊志云即葆光弟子號明德真人

倪德

隋

輔公祐

隋季與鄉人杜伏威為盜轉掠淮南伏威兵寔盛自號總管以公祐為長史賊

李子通據江都伏威使公祐以精兵數千渡江擊之子通拒戰眾十倍銳甚公祐選甲士千人操長刀居前別以千人隨之令曰邵者斬公祐以眾毀俄而子通方陣而進長刀千人皆夾死鬪公祐縱左右翼搏之子通大潰降其眾數千伏威既遣使歸國武德二年詔授公祐淮南道行臺尚書左僕射封舒國公初伏威與公祐少相愛又兄事之故軍中呼輔伯尊禮畧等伏威稍忌之乃署養子關稜為左將軍王雄誕為右將軍推公祐為漢射陰解其柄公祐內怏怏不平乃與故人左游仙偽學辟穀以自晦六年伏威人朝留公祐

章邱縣志

卷之九

人物

至

居守復令雄誕握兵副之陰誠曰吾至京不

失職無容公祐為變後左游仙說公祐反會

雄誕以疾卧家公祐奪其兵給言伏威移書

令舉事八月遂僭位國稱宋即陳故宮都之

殺王雄誕署百官以左游仙為兵部尚書東

南道大使越州總管增修器械轉廩食遣將

徐紹宗九江嶺南大使李靖下宣城懷州總管

恭趨九江嶺南大使李靖下宣城懷州總管

黃君漢出譙齊州總管李世勣繇淮泗討之

孝恭取蕪湖下梁山三鎮河南安撫大使任

壞攻揚子城降偽將龍龕遂據揚州公祐復

遣將馮惠亮陳當世屯博望山陳正通徐紹

宗屯青州山以拒戰孝恭率諸將破之惠亮

正通走李靖追百餘里眾悉潰正通止以

五百騎奔丹陽公祐懼棄城奔左游仙於會

稽兵尚數萬夜至毘陵能從者裁五百偽將

吳騷孫安謀執之公祐棄妻子斬關遁與腹

心士數十抵武康野人執送丹陽孝恭斬之

傳首京師